



WANTOK



Niuspepa bilong yumi ol PNG stret!

Wan Wik,

Oktoke 7 - 13, 2004

NAMBA 1577

K1 tasol

PES3:

**FAMILI BILONG JASTIS SEVUA NO
WANBEL LONG OMBUDSMAN KOMISIN**

INSAIT:

GAVAMANI SIVARAI

PES 13 - 20

NESENEL EDUKESAN WIK SAPLIMEN

Stil na paulim mani i bikpela hevi

... Somare lukluk long polis na ECP

Yakam Kelo i raitim

OL lain i stopim o bagarapim wok bilong polis long karimaut wok painimaut i mas kisim bikpela mekimsave o pinis long wok. Praim Minista Sir Michael Somare i tokim ol polismanmeri long las wik Fraide taim em i opim nupela opis bilong

Fraud Skwat long Mosbi.

Sir Michael i tok kantri bilong mipela i bagarap bikos i nogat gutpela menesmen longpela taim i kam na dispela i bagarapim bisnis na strong bilong kantri long ron gut we ol pablik sevis i no mekim gut wok bilong ol long givim sevis na developmen i go long pipel. Dispela

i save bagarapim bel na tingting na amamas bilong ol pipel.

Pasin bilong paulim mani na yusim nabaut pablik rmani long opis bilong gavman em bikpela hevi tude na i wok long go het yet we nogat man i save kisim taim o kalabus. Ol lo opis oisem Ombudsmen Komisnin na Komisnin

ov Enkwairi i save mekim bikpela wok long kamautim ol stil na paul pasin long mani bilong pablik tasol liklik lain tasol i save kisim sas o kalabus, Sir Michael i tok.

I gat ripot tu olsem ol stil na hait pasin i save stap hait na nogat man i save kalabus bikos ol opisa bilong gavman yet i save banisim ol gut, em i tok.

Em i tok dispela gavman wantaim ol pipel bilong Papua Niugini na ol lain husat i save skelim kain pasin olsem i laikim gutpela senis i mas kamap. Olsem na wok bung wantaim bilong PNG Polis na Australia polis aninit long dispela program bilong Enhance Corporation Program (ECP) i kisim sapot bilong mipela long lukim gutpela wok bung wantaim long kamapim sampela gutpela senis long daunim ol dispela hevi.

Polis fos long Papua Niugini bai lukim namba bilong ol wokman na strong bilong em i go antap liklik bikos long dispela bung wantaim bilong ol Australia polismanmeri.

Insait long PNG yet i gat 4000 polismanmeri na dispela namba i liklik tumas taim yumi skelim wantaim 5.2 milien pipel insait long kantri. Tasol long pinis bilong ECP program, gavman i tingting long kisim 400 nupela polismanmeri, Sir Michael Somare i tokaut.

Tasol em i luksave tu long ol hevi long wok na sindaun bilong ol polisman olsem long haus bilong slip na potnait pe we Minista bilong Polis Bire Kimisopa i tok long tok-tok na lukluk insait long en.

Long las wik Oposisen i tokaut olsem i gat bikpela hait pasin we ol i banisim gut insait long ol bikpela

opis bilong gavman long kisim hos masin gem i kam insait long kantri we lo i no oraitim.

Deputi lida bilong Oposisen na memba bilong Makam Andrew Baing i tok em i gat ripot bilong dispela hos masin we sampela sinia pablik sevens na ol lo man bilong kantri yet i stap insait long banisim gut na ol yet i kisim sait mani long wok bilong ol.


Em i tok dispela ripot i soim tu olsem i gat wei tu long kisim sapot long politikol level long sampela bikpela gavman minista.

Olsem na Mista Baing i tok gavman i mas kamapim lo bilong tambuim dispela kain masin long i no ken kam insait long kantri. Na tu kamapim bikpela sas long husat i stap insait na wok poroman wantaim.

Em i klia olsem wok bilong banisim dispela masin i stap insait tru long ol bikpela opis bilong gavman olsem polis fos, Kastoms na arapela gavman opis tu taim wok bilong ol em long banisim laip na sekyuriti bilong kantri, kisim takis na lukim olsem ol laki gem we i gat laisens tasol i stap.

Mista Baing i tok dispela hait pasin bilong kisim dispela masin i kam na mekim mani long en nau i bikpela insait kantri we gavman i no ken lukluk tasol.

Taim yu gat evidens bilong kain hait pasin olsem i stap insait long Kastoms, Polis na ol arapela bikpela gavman opis we i sut tu long visa na wok permit, dispela i soim bikpela hevi nau i hangamap nau long ol bikpela gavman opis, em i tok.



• Ol skul pikinini long Lae i kisim save long pasin bilong kot taim kot i laik soim ol wok na ol samting ol i save mekim i go long pablik long lukim na save. Asisten Rejistra bilong Mejisterial Sevis Rodney Tugumagoma i mekim klia long ol sumatin bilong Huonville long Lae. Foto Joe Kanekane

STRONGPELA TRU

Colgate

Toothpaste bilong PNG stret!

Polis Ripot

LAE:

Wanpela bisnis husat em polis i tok i bin stilim 750 katen lem pleps katen long Lae wof long dispela yia em polis i holim em pinis.

Dispela lem pleps katen i kos olsem K22,000. Dispela man i kamap pinis long Lae Distrik Kot na kot i surukim taim bilong kot bilong em i go long narapela taim gen long dispela yia.

Lae polis i tok ol polis i wok long mekim wok painimaut i go inap ol i painim man ya long Kundiawa long taim bilong Simbu provinsal bai ileksen long dispela yia na kisim em i kam daun long Lae na sasim em.

DARU:

Polis i holim wanpela man long trabel bilong stilim na paulim mani mak olsem K30,000 bilong Flai Riva Provinsal Gavman.

Sauten Divisen Polis Komanda John Marru i tok dispela hevi i bin kamap long 1998 we dispela man i bin putim dispela mani i go insait long Kundu Saver pasbuk bilong em long beng.

Taim em i putim mani i go pinis long dispela pasbuk, bihain em i rausim mani long pasbuk, Mista Marru i tok. Polis i mekim wok painimaut i go na holim em.

Wankain taim em polis long Westen provns i holim na sasim wanpela man long Kerema long sas bilong giamanim tupela man long baim spak brus.

Polis i tok dispela man i bin pulapim ol hap stik bilong aibasket long paket bilong spia na giaman olsem em i salim spak brus.

Tupela man i baim tasol bihain ol i lukim olsem dispela man i giamanim tupela olsem na ol i kolim em. Polis i bin holim dispela man tasol em i ronawe na bihain polis i holim em gen.

Barter laik painimaut moa long balus pundaun long Aropa

MINISTA bilong Inta Gavman Rilesens, Sir Peter Barter, i tokaut pinis olsem gavman nau i laik painimaut moa long wanpela balus i bin go pundaun long Aropa ples balus long Bogenvil las wik.

Sir Peter i tokaut long Tunde olsem Aropa ples balus i pas pinis tasol ol manmeri i stap klostu long ples balus i tok i gat wanpela balus i bin go pundaun long hap na sampela man bilong ol arapela kantri i bin kamaut long balus na bihainim rot i go long Panguna.

"Aropa ples balus i pas, olsem na mipela i wari liklik long ol balus i pundaun long nap nogut ol i painim bagarap.

"Mipela laik painimaut husat tru bai i mekim dispela bikhet pasin long kisim balus i go long dispela ples balus we i pas long taim pinis.

"Ol manmeri husat i bin lukim dispela balus i tok ol i lukim ol man bilong arapela kantri i kamaut na bihainim rot i go olsem long Panguna. Long dispela kain taim,

gavman, ol gavman opisa long Bogenvil na ol manmeri long ples i mas askim ol long wanem as tru na ol i go long hap.

"Bilong wanem na ol bai painim dai na go long Aropa ples balus bihain hait na go insait long no go son?" Sir Peter i tok.

Em i tok wok long Bogenvil i no pinis gut yet, wok bilong rausim ol pait gan i wok long go het yet na ol banis we ol manmeri i putim long no go zon i wok long kam daun isi isi. Wok long kamapim otonomi tu i wok long go het gut.

Wanpela arapela hevi tu em hevi bilong ol giaman man husat i save paulim tingting bilong ol manmeri long ples long stilim mani bilong ol.

Sir Peter i tok long dispela as tasol em ol manmeri bilong ol arapela kantri husat i go insait long Bogenvil i mas tingting gut na tok kila bilong wanem tru na ol i hait na go insait long Bogenvil olsem.

Em i tok gavman o no save pasim wokabout bilong ol manmeri husat i raun long

Papua Niugini long mekim gutpela wok.

"Mipela i no laik pasim rot bilong ol komyuniti long Bogenvil long ol arapela lain husat i laik givim helpim long ol. Na gavman i no save pasim rot bilong ol manmeri husat i laik go insait o go aut long No Go Zon. Olsem na mipela i singaut long ol lida long mekim wankain long hap," Em i tok.

Em i tokaut tu olsem Baipatisen Nesenel Komiti i bung pinis long glasim Bogenvil Mama Lo na fere long mekim bekim bilong Nesenel Gavman.

"Mipela i rere long bung wantaim ol lida bilong Bogenvil long paitim toktok long wok bilong Bogenvil Konstitusen Asembli long kisim Bogenvil Mama Lo na givim long Nesenel Eksekutiv Kaunsil long glasim bai em i bihainim tu Nesenel Mama Lo.

"Gavman i rere long wok strong long kamapim ol ieksen bilong otonomas gavman bilong Bogenvil," Em i tok.

Komyuniti laikim trupela lida

Andrew Molen i raitim

WANPELA kendidet bilong Pot Mosbi Not Wes bai ileksen na bisnis man, Wari Vele, i kisim sapot bilong ol manmeri bilong Sauten Hailans provins husat i stap long siti bihain long wanpela bikpela bung we i kamap long 9 Mail setelme las wik Sarere.

Long dispela bung Praim Minista Sir Michael Somare husat Wari Vele i ron aninit long pati bilong em i bin stap long hap tu.

Olpele memba na mausman bilong ol

SHP manmeri long Pot Mosbi Sir Matiabe Yuwi tokim *Wantok Niuspepa* olsem ol i amamas long Mista Vele bilong wanem em i wanpela gutpela na trupela man.

"Kain man olsem em bai inap long stopim pasim stil o korapsen insait long kantri."

Em i hones man, em i gat rispek, em i gat gutpela tingting long helpim ol pipel," em i tok.

Sir Matiabe i tok: "Em (Mista Vele) no wantok bilong mipela tasol mipela i sapotim em bilong wanem mipela i laikim gutpela lida."

"Mipela inap pinis long korapsen na ol kainkain stil na hait pasin insait long gavman na kantri."

Em i tok ol pipel i laikim kain lida olsem Sir Michael Somare, Bart Philemon na Sir Rabbie Namaliu na Wari Vele em i luk olsem em i wanpela kain gutpela lida olsem ol.

"Mi laik tok tenkyu na amamas tu long gavman long kisim LPV voting sistem i kam na mi ting dispela bai helpim long rausim giaman na paul lida long haus palamen."

Wes Nu Briten statim banis sut program

...Laik banisim 95 pesen bilong ol pikinini long sik misels

BANIS sut program bilong Dipatmen bilong Helt na ol developmen patna bilong em nau i kamap pinis long Wes Nu Briten provins.

Aninit long dispela banis sut program, samting olsem 100,000 pikinini bai kisim banis sut long banisim ol long ol sik misels.

Kodineta bilong dispela banis sut program ol i kolim Nesenel Saplimenter i Imunaisesen Ektiviti (SIA), Dokta Kichawen Chakumai i tok dispela kempen em i wanpela bikpela samting tru bilong wanem em i banisim ol yangpela pikinini long dispela sik misels we i save kilim

planti yangpela.

Em i tok long 12-pela yia i go pinis, Papua Niugini i wok long lukim planti hap we dispela sik misels i wok long kamap.

As tingting bilong dispela SIA program em bilong banisim inap long 95 pesen bilong ol pikinini long stopim binating bilong misels long bagarapim moa pikinini insait long komyuniti.

Dispela program i go pinis long ol provins bilong Manus na Nu Ailan, na nau tupela provins wantaim i kisim olgeta banis sut bilong misels na polio.

Bikhet pasin bagarapim Kavieng ples balus

Tony Sapan i raitim

BIKHET pasin i wok long bagarapim Kavieng ples balus long Nu Ailan provins na nau i nogat wanpela balus inap long pundaun long nait.

Samting olsem 29 lait bilong makim rot bilong balus long nait i bagarap na 560 mita bilong banis raunim ples balus i lus pinis, Menesa bilong Kavieng Ples Balus, Michael Vitata i tok.

Storum bilong ples balus tu em ol stil man i brukim planti taim pinis na stilim 9-pela rol bab waia na ol tin pen bilong penim ranwe na ol wok samting we mani mak bilong em inap long sampela tausen kina.

Mista Vitata i tok taim ol lait i bagarap, ol i stopim olgeta ron bilong balus long nait i stat long Septemba 6 yet.

Em i tok wok bilong stretim bek ol lait long ples balus bai kaikaim bikpela mani tru.

Wanpela hevi we i stap yet em ol manmeri i save brukim banis na

wokabaut i go long hapsait long ples balus.

Provinsal gavman i tok em i no inap long stopim ol dispela lain na polis long Kavieng tu i no save husat tru i wok long mekim ol dispela bikhet pasin.

Mista Vitata i bin

Mista Vitata i tok taim ol lait i bagarap, ol i stopim olgeta ron bilong balus long nait.

autim bel hevi bilong em long ol dispela samting i kamap taim em i toktok long redio Nu Ailan.

Em i singaut long olgeta gutpela manmeri i stap insait long Kavieng taun long tokaut husat tru i wok long mekim ol dispela paul pasin.

Pastaim long em i bin toktok long Redio Nu Ailan, Mista Vitata i bin toktok pinis wantaim Nu Ailan provinsal edministreta na provinsal polis komanda na menesmen bilong Air Niugini long Kavieng.

TRAIN FOR SUCCESS!

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

Certificates & Diplomas (£130 or US\$260)

- * Accounts, Hotels, Tourism, Computers
- * Administration, Office, Insurance, Marketing
- * English, Secretarial, Purchasing, Stores
- * Business, Management, Personnel, Trade
- * Advanced, Honours and MBA Diplomas
- * Business, Finance, Marketing, Personnel

For a FREE Information Book contact: **CAMBRIDGE INTERNATIONAL**

Box 53, Southampton, SO14 0JY, Britain

Email: info@cambridgetraining.com

Web: www.cambridgecollege.co.uk

Fax: +44 2380337200

Name: _____

Address: _____

Age: _____

Cambridge - your KEY to success!

TORO

KRISMAS NALI TORO GO BAIM WANPELA KATEN BIA NA SAMPPELA MIT LONG FRAIM LONG BABAKIU PLET...

EM GIVIM MIT LONG MISIS LONG FRAIM NA BAGA KIK-OFF LONG DRING...

EM SPAK NOGIUT TRU NA BIASTIM REDIO NA WOK LONG DANIS ISTAP...

INO LONG TAIM EM ABRUS NA PUNDAUN ANTAP LONG BABAKIU PLET NA GRIS IACTIM ASS BILONG EM...

Famili bilong Jastis Sevua i no wanbel long Ombudsman Komisnin

FAMILI bilong Nesenel Kot Jas, Jastis Mark Sevua, i no wanbel long Ombudsman Komisnin bilong Papua Niugini bihain long Ombudsman i toksave long Pablik Prosekyuta long sekim sapos Jastis Sevua bai kisim mekimsave long kot bilong Lidasp Traibunet.

Ombudsman i bin salim pas long Pablik Prosekyuta las wik long toksave long em olsem ol i bilip olsem Jastis Sevua i bin yusim posisen na nem bilong Nesenel Kot long helpim meri bilong em long pinisim skul bilong em.

Dispela em i namba wan taim we Om-

budsman i karimaut wok painimaut long sekim sapos wanpela jas i mekim paol pasin.

Ombudsman i tok Jastis Sevua i bin raitim tupela pas i go long Pasifik Adventist Yuni- vesiti we meri bilong em i bin skul.

Ombudsman i tok Jastis Sevua i bin raitim dispela tupela pas bihain long yunivesiti i bin toksave long meri bilong em olsem em bai no inap long greduet bilong wanem em i no pin- isim gut skul bilong em.

Ombudsman i tok long tupela pas wantaim, Jastis Sevua i bin yusim leta pepa bilong Suprim Kot.

Ombudsman i askim Pablik Prosekyuta long sekim sapos samting Jastis Sevua i mekim i no bihainim Seksen 27 bilong Mama Lo na Seksen 5 bilong Ogenik Lo long wok bi- long ol Lida.

Tasol famili bilong Jastis Sevua i no wanbel wantaim pasin bilong Ombudsman long givim aut dispela toksave i go long nius lain.

Ol i tok Ombudsman i abrus taim em i bin- givim ol pas bilong en i go long nius lain long kamapim ol nius ripot long niuspepa, redio na T.V pastaim long Pablik Prosekyuta i sekim ol dispela sas.



Sapos yu laik lukim Makoma i pilai, yu mas kisim 5-pela paket bilong Twisties sispop na go long hap bilong baim tiket. Sapos yu nogat Twisties paket bai ol i no inap kisim mani bilong yu long baim tiket. Sori ol papamama, yupela mas baim planti Twisties sispop bikos nogut yu tingim ol pikinini tasol na yu yet i nogat we long go insait na lukim Makoma ben i pilai.

Husat dispela Manus man husat i nogat save long ring long mobail telepon? Mekim na trangu Manus soka tim i kam long Madang na ol lain long ples i ringim ol long mobail tasol bikman ya i no save long toktok long mobail olsem na ol lain long ples i no kisim wan- pela toksave long soka tim bilong ples. Ol lain long ples i harim tasol em bikman ya i tok, noken bisi long toktok long mobail nabaut. Samting tru em i no save long toktok long dispela telepon i go bek long ol lain long Lorengau taim ol i ring i kam.

Ol Kombe i save lukim bafalo tu long bipo o no- gat? Oloman taim bafalo i ron kam ausait long sip long Kimbe wof ya ol Kombe i no isi long bikmaus na ron nabaut. Mekim na ol Forest opisa husat i karim dispela bafalo i go long hap i paul olgeta na sampela i no wok gut long wanpela de ya. Bafalo em wankain tasol olsem bulumakau tasol strong bilong em i moa yet long mekim wok long gaden na karim kago.

Inap ol polis i holim sampela ka i save ron long rot na mekim bikpela smuk long rot. Wanpela fiklik ka i no isi long mekim smuk long Is Boroko draiv we yu no inap lukim rot na ol samting long rot. Bai yu ting olsem pa- ia tru tru i kukim haus. Dispela em nogut tru bikos birua inap kamap long dispela. Plis moabeta ol polis i stopim na rausim ol dispela kain ka na tromoi i go long woksop.

Makoma redi long kam long PNG

BIKNEM Gospel musik grup, Makoma i redi long kam long Papua Niugini na pilai long Lae na Pot Mosbi long namba tu wik bilong mun Novemba.

Toksave i kam long Twisties, namba wan bikpela spona husat bai kisim ol i kam, olsem ol- geta famili bilong Makoma i tok orait pinis long kam na pilai long PNG.

Makoma bai kamap long PNG long namba tu wik bilong mun Novemba na bai ol i pilai long tu- pela bikpela musik konset.

Wanpela konset bai kamap long Lae na narapela long Mos- bi.

Total Event Company, ol lain husat i menesim raun bilong Makoma i tokaut olsem grup bai pilai long Sir Ignatius Kilage Sta- dium long Lae na Sir John Guise Stadium long Pot Mosbi.

Makoma grup em 7-pela wan- famili olgeta - Duma, Patrick, Tu- tula, Martin, Annie, Pengaine na Nathalie. Ol bai kam wantaim 5- pela musik man.

Twisties wantaim Nesenel AIDS Kaunsil Sekreteriet i tokaut olsem olgeta de, taim na ples bi- long Makoma konset i kamap i stret pinis na nau olgeta manmeri insait long kantri husat i save laikim Makoma bai i gat sans long go long konset na lukim ol.

Prais bilong ol ticket long ol bikpela pablik konset em K30 long wan wan manmeri na Twisties bai tokaut long wanem taim stret ol bai stat long salim ol tiket na ol ples we yu bai inap baim.



Makoma ben i redi nau long kam long Papua Niugini long neks mun tasol. Las mun em susa bilong ol Nathalie (rait) i kam raun tasol long kirapim tingting bilong yumi na nau em ol biklain tru tru bai i kam nau. Long poto wantaim Nathalie em sampela memba bi- long ben.

Ol yangpela skin kirap long yusim gumi

Andrew Molen i raitim

OLPELA memba bilong palamen na lida bi- long Sauten Hailans manmeri long Pot Mos- bi, Sir Matiabe Yuwi, husat tu i bin wanpela ti- sa bilong helt o helt eduketa bipo long em i kamap memba, i toktok strong long ol lain we i stap insait long kantri nau long ol pait egen- sim sik HIV/AIDS.

Sir Matiabe i tok dispela sik i nogat marasin bilong em nau yet olsem na wanpela we long yumi ken stop em long surukim han bilong em i go moa yet em long lukautim ol manmeri i gat dispela sik olsem bipo yumi i save lukautim ol sik lain wantaim Leprosi.

"Leprosi em i bin wanpela nogut sik tru tasol yumi save putim ol lain i gat dispela sik long wanpela hap bilong ol yet inap ol i orait o no- gat."

Ol i bin stap olsem inap ol gutpela dokta i

painim marasin bilong dispela sik na nau dis- pela sik i pinis long Papua Niugini," Sir Ma- tiabe i tok

"Mi laikim bai yumi mas wokim wankain long ol lain i gat sik AIDS."

Sapos yu wanem dokta yu painim aut olsem dispela man o meri i gat sik orait salim i go long ples bilong ol lain i gat dispela sik long i stap na ol dokta na sosel woka i ken wok klostu wantaim ol. Sapos yu larim em i go bek orait em yu tu i helpim em long posinim na givim sik long ol narapela manmeri tu," em i tok.

Sir Matiabe i tok em i no amamas tu long we ol lain long Helt i save toktok long sait bi- long gumi o karamap.

"Dispela i no wok stret bikos ol i save yusim long skulim yumi na kirapim tingting bilong ol yangpela long pasin bilong traime aut long

mekim pasin pamuk, em i tok.

Em i tok ol yangpela i save bel kirap long traime ol nupela samting na taim dispela kain toktok i kamap i save kirapim tingting bilong na ol i save wokim dispela ol pasin.

"Dispela samting em i olsem sikret o tambu tru long kastam na pasin tru bilong yumi long PNG tasol nau ol i brukim dispela kastam na dispela samting i no tambu moa."

"Pasin bilong man na meri long i stap wan- taim em bilong marit na i no bilong wokim nat- ing," em i tok.

Em i tok planti ol i save marit nating na bi- hain sindaun bilong ol i no save gutpela.

"Man na meri bai luksave long skin bilong tupela taim tupela i marit na ol bai laikim famili na pikinini ol gut tru na kamapim gutpela famili we sindaun bilong ol bai gutpela wantaim ama- mas, Sir Matiabe i tok.

PABLIK NOTIS

HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBF Assurance Limited na FAI Insurance (PNG) Limited) i laik toksave olsem Kampani i no mo ronim insurens bisnis na i klostu nau long pinisim ol wok blong em insait long PNG. Olsem tasol, HIH PNG (wantaim MBF Assurance Limited na FAI Insurance (PNG) Limited) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dis- pela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg.

HIH PNG i laik tok kliia olsem dispela toksave em blong ol general insurens na wokus kompensesen kleim tasol na ino karamapim ol laip insurens kleim na polisi aninit long laip insurens bisnis blong HIH PNG. Sapos wanpela man o meri igat kleim o wari long laip insurens polisi o seving blong em orait em i mas go lukim o salim pas long Workers Mutual Insurance (PNG) Limited, Gabaka Street, Gordons, P O Box 292, Jacksons, National Capital District o salim fex long 323 2992 o ringim telepon 323 2929.

Bod of Dairektas blong HIH PNG i autoraisim

KPMG
Chartered
Accountants

PO Box 507
Port Moresby
Tel: 321 20 22
Fax: 321 2780
email: kpmgpng@kpmg.com.pg

Hap Hap Nius

Wes Nu Briten statim banis sut progrem

BANIS sut progrem bilong Nesenel Helt Dipatmen na ol developmen patna bilong em nau i kamap pinis long Wes Nu Briten. Aninit long dispela banis sut progrem, samting olsem 100,000 pikinini bai kisim banis sut long banisim ol long ol sik misels. Kodineta bilong dispela banis sut progrem ol i kolim Nesenel Sapmenteri Imunaisesen Aktiviti (SIA), Dokta Kichawen Chakumai i tok dispela kempen em i wanpela bikipela samting tru bilong wanem em i banisim ol yangpela pikinini long dispela sik misels we i save kilim planti yangpela. Em i tok long 12-pela yia i go pinis, Papua Niugini i wok long lukim planti hap we dispela sik misels i wok long kamap.

Wes Nu Briten rere long Tavor So

OL PIPEL bilong Wes Nu Briten i rere long amamas long Tavor So we bai i stat long Fraide, Oktoba 8 i go inap long 12. Siaman bilong provin sel ivens kaunsil, Michael Turkia i tokaut olsem Wes Nu Briten provin sel gavman i givim K150,000 bilong kamapim dispela so. Opening bilong so bai stap long Kalsa Senta klostu long Sanremo Be. Olgeta lain husat bai stap long dispela so i mas kamap long opening bilong en. 7-pela bikipela kanu i makim ol ples insait long provins bai resis.

Ol meri Is Nu Briten kisim ol bikbel long helpim ol

TRIPELA komyuniti insait long Is Nu Briten provins nau bai yusim ol bikbel o wel kau long halivim ol karim ol timba o diwai long diwai projek bilong ol i go long sip.

Ol dispela bikbel o long Tok Inglis ol i save kolim ol 'Bafalo' em ol komyuniti bilong Bairaman, Lau na mau bai yusim long pulim ol wilka long karim ol diwai bilong ol i go long sip.

Sampela lokel level gavman memba bilong Wes Pomio, Mamusi, long wanpela kibung bilong ol i askim sapos ol dispela bikbel bai i ken halivim ol gut.

Tasol taim ol manmeri i go long Lau ples long lukim sip i karim ol bikbel i kam, ol i lus tingting long olgeta dispela askim.

Samting olsem 200 manmeri i wetim MV Pospel long rausim ol bikbel i kam aut. Planti long ol i no save ol 'bafalo' em wanem samting.

Taim MV Pospel i kam sua na i rere long opim bris bilong em, ol manmeri i go bung klostu long lukim. Na taim ol man i pulim ol bikbel i kam daun long sip, ol bikbel i kalap na ron lusim sip i kam aut.

Ol manmeri i lukim ol na ron nabaut. Olgeta i lap na amamas long lukim ol dispela samting i ron i kam ausait.

Dispela tripela bikbel bai rausim hevi long ol meri husat i save karim ol diwai i go long sip.

Na maski dispela em ol enimol yet, Edvaisa bilong Iko-Forestri, Robin Kimpton, i bilip olsem dispela bai givim bikipela halivim long ol manmeri.

Yuropean Yunion (EU) i bin givim mani long kisim ol bikbel i kam long helpim dispela tripela komyuniti.

Bikipela hevi ol i save bungim em long sait bilong trenspot na karim ol diwai i go long sip.



• Ol man i karim wilka i kamut long sip.

Ol komyuniti long Wes Pomio, Mau una, Lau,

Bairaman, Puapal na Manginuna i stat long yusim pinis wanpela Fores Menesmen Sistem bilong lukautim ol diwai bilong ol.

Ol man i save lukautim ol bikbel i bin kisim trening aninit long lukaut bilong trena bilong ol bikbel Otto Patokalo husat i bin wok wantaim DPI bipo.

Aninit long 6 wik trening, ol i lainim long pulim ol bikbel, skulim ol long wok na lukautim ol long stretpela rot.


Ol wilka we ol dispela bikbel bai pulim em Rabaul Metal Industris i bin mekim.

Wanwan long ol dispela wilka inap long karim samting olsem 800 kilogram timba long bik bus i go inap long nambis.

Long nambis, ol i save draim gut pastaim long ol i putim long sip na karim i go long Rabaul na Pot Mosbi.

Bihain diwai i save go long ol kantri olsem Nu Silan, Australia o Yurop.

Ol i bin kisim ol bikbel i kam long DPI Rabaul we ol i wok long wel nabaut long stesin.



• Wanpela man i pulim wanpela bikbel i kamaut long sip.

HAPPY 1ST BIRTHDAY



LIAM (GOROMP) SIWIN MADAI

May God's Blessing and Guidance be upon you always!

Birthday wishes from:

David, James Jnr, Tracy, Dudu, Mum & Dad & uncles of Rainbow; Freddie, Tim, TT, Mac & John of Erima; Nawatz's of 3 Mile-POM.

BIABIA GO LONG PAINAPOL BILDING NA OL SEKIURITI PASIM EM LONG DUA...



TASOL BIABIA I LES LONG SAINIM BUK NA GIAMANIM SEKIURITI YA...



TARANGU SEKIURITI INO BILIP LIKLIK LONG EM...



TASOL BIABIA INO HARIM GUT NA EM BEKIM...



Salim kopra i go aut long Nu Ailan long kisim mani

Tony Sapan i raitim

DEPUTI Siaman bilong Nu Ailan Kopretiv Asosiesen, Simon Waika, i singaut long Nu Ailan Provin sel Gavman long luksave olsem ol kampani husat i save baim kopra insait long provins i mas salim i go aut long Kavieng yet na i no long ol arapela taun insait long Niugini Ailans rijon.

Em i tok dispela bai holim bek moa mani bilong provins.

Mista Waika i tok sapos olgeta kampani i save baim kopra i salim long Kavieng i go stret long ovasis, provins bai inap long kisim moa mani long ol derivesen gren we nau yet i nogat.

Em i tok nau yet ol kampani bilong Is Nu Briten i wok long go baim kopra long Nu Ailan, karim i go bek long Rabaul na salim i go ovasis.

Mista Waika i tok provin sel gavman i mas luksave long dispela hevi na

traim eksptom (salim i go aut) kopra i go aut long Kavieng stret sapos em i laik kisim moa mani long ol derivesen gren i save kam long ol eksptom long ol agrikalsa samting olsem kopra, kakao na vanilla.

Wanpela bipo memba bilong Tikana lokel level gavman, Mista aika i tok em i gutpela ol kampani bilong Is Nu Briten i kam baim kopra na kakao long ol ples we i isi long ol liklik kopra fama i nap go salim.

Em i tok olsem provin sel gavman yet i mas kisim olgeta dispela kes krop na salim i go aut long Kavieng na i no long ol arapela ples.

I gat 4-pela kampani i wok long baim kopra long Nu Ailan.

Tasol wanpela tasol i save eksptom olgeta kopra em i save baim long ol lokol fama.

Narapela tripela em ol ejensi bilong ol kampani i stap long Is Nu Briten provins yet.

Hap Hap Nius

Hariap long abrusim sik kensa

Ol setelmen lain long Peters Blok long Kamkumung long Lae i kisim save olsem taim ol i lukim sampela kain sain o skin sua i kamap long ol, ol i mas hariap long kisim marasin long helpim ol. Anna Kua wangepa voluntia wantaim papua Niugini Famili Helt Asosiesen i tokim ol manmeri long hariap go long haus sik nakisim marasin taim ol i lukim sampela kain solap o skin sua i kamap long ol bikos ol i mas hariap long abrusim ol kain bikpela bagarap olsem sik kensa we i wok long bagarapim planti manmeri long tude.

Morobe redi long maining

Morobe provins bai lukim bikpela maining i kamap long neks yia i go. Dispela toksave i kamap long Morobe Provinsel Asembli las wik taim Tutumang i harim olsem ol wok na rot bilong opim Hamata na Hidden Veli maining long Wau i go orait nau long wok i stat. Morobe Provinsel Gavman tu i stap insait long wok bilong sindaun na toktok wantaim ol papagraun na stretim ol toktok bilong loy-olti na ol kain samting olsem we Tutumang i harim olsem olgeta dispela wok i kamap go na op nau long wok bilong maining i ken go het long neks yia. Dispela em wangepa bikpela nius bilong Morobe i kamap wangepa bikpela maining provins long PNG.

Pis eksport i kamap bikpela long Lae

Wok bilong eksportim (salim i go long narapela provins o kantri) pis long Lae, Morobe provins, i wok long i kamap bikpela, tasol long wankain taim tu ol namba mak bilong ol pis ol lokel fisaman i wok long kisim i go daun. Siaman bilong Morobe Fiseris, Abai Labi, i tokaut long dispela long Morobe Provinsel Asembli. Em i tok dispela hevi i stap nau bikos ol bikpela fising kampani i wok long kisim planti pis stret, na sotim ol pis we ol lokel fisman inap painim. Em i tok bipo long 1990, ol lokel fisaman i save kisim namel long 150 na 200 tans (tonnes) bilong pis long olgeta yia, tasol nau dispela namba mak i go daun long 50 tans long olgeta yia. Em i tok sapos gavman i no lukluk gut i go insait long dispela hevi bai ol dispela bikpela kampani bilong ol arapela hap i bosim fising industri bilong Papua Niugini na ol lokel fisaman bai kisim taim.

Ol pipel long Bubu Garaina i kamapim ples balus

PLES Bubu long Garaina hap insait long Morobe provins i kamapim pinis wangepa liklik ples balus bilong ol long balus i pundaun long en long tas mun i go pinis. Planti krismas i go pinis ol pipel bilong Bubu, Ono na arapela ples Gunamaipa i save i kam olgeta long Garaina stesin long kisim balus i kam long Wau na Lae siti tasol i bin gat wangepa bikpela pait we i lukim ol i stopim balus long pundaun long Garaina ples balus.

Ol Madang memba i no sapatim HIV AIDS progrem long provins

Michael Novingu i raitim

OL MEMBA bilong Madang long palamen i no helpim long wok bilong stopim sik HIV/AIDS long provins. Dispela em toktok bilong Presiden bilong Madang Kaunsil ol Wimen, Mary Kamang, long HIV/AIDS Lidasip Diverlopmen Woksop long Pot Mosbi las wik.

"Mipela i no save lukim pes bilong ol lida bilong mipela. Mipela i no save ol i stap we nau."

"Mipela i laik wok bung wantaim ol long painim rot na sapat bilong ol long traim stopim dispela sik nogut i wok long bagarapim ol pipel bilong mipela, tasol mipela i no inap painim ol," Misis Kamang i tok.

Em i tok sik AIDS aweanes kempen insait long Madang provins em ol sios, yut, komyuniti lida, meri grup na ol arapela lain i karimaut gut wantaim helpim bilong Provinsel AIDS Komiti.

"Olgeta i givim 100 pesen wok long kempen, tasol ol politikel lida bilong mipela i stap we nau?," em i askim.

Mipela i nogat mani i kam long provinsel gavman bilong mipela i karimaut ol kempen wok bilong mipela, em i tok.

Misis Kamang i tok olgeta wok raun bilong mipela long kempen i kam long hat wok bilong mipela yet long fanresing tasol.

"Ol dispela hevi mipela i bungim i no stopim mipela long karimaut wok bilong mipela, nogat."

"Mipela wokim kempen i go aut long olgeta distrik insait long Madang provins i go daun long ol ples stret."

"Bikpela wok tru mipela i winim em i gat progrem bilong HIV AIDS i save kamap long Redio Madang long olgeta wik," em i tok.

Dispela progrem bilong mipela i soim olsem planti ol yangpela manmeri i laik i

go insait long dispela progrem na ol i laik painimaut moa wanem samting i kamapim dispela sik.

Mipela i gat 20 drama grup insait long provins we ol i helpim mipela long kamapim ol drama pilai long salim ol tok-save i go aut long ol komyuniti olsem i gat sik nogut i stap tukautim yu yet, Misis Kamang i tok.

Long wankain taim, bosman bilong Modilon Jenerel Haus Sik, Dokta Jethro Urusup, i tokaut las wik olsem Madang provins i gat 80 manmeri i gat dispela sik AIDS, taim em i opim HIV/AIDS liplet progrem long Divine Word Yunivesiti.

Dokta Urusup i tokaut tu olsem i gat moa long 8,000 manmeri insait long provins i gat dispela sik nogut.

Em i bilip olsem as bilong dispela em long wanem i gat rot i go i kam long Lae, Hailans, na tupela provins bilong Sepik we ol pipel i gat rait long raun i go i kam i kamapim dispela sik.

Madang taun papagraun laikim K30 milien

Michael Novingu i raitim

PRESIDEN bilong Madang Taun Papagraun Asosiesen, Paul Kamang, i singaut i go long gavman long peim mani mak olsem K30 milien i go long ol papagraun olsem kompensesen.

Dispela hap graun ol papagraun i wok long kros long en i stap long Madang taun pawa haus i go inap long Nob hap insait long graun bilong Madang.

Mista Kamang i tok gavman i mas givim bek ol mani we ol i kisim takis bilong graun we Madang taun i stap nau bihain long 99 yia lis (lease) i pinis o ekspeia.

Em i tok dispela 99 yia lis i pinis long 1987, tasol gavman i wok long kisim takis yet. Dispela pasin i no stret ol i mas larim mipela ol papa graun long kisim takis.

I no longtaim i go pinis ol papagraun i salim wangepa pas i go long komisina bilong lukautim graun long kisim kompensesen mani bilong graun rentel fis stat long 1987 i kam inap 2004, tasol i nogat wangepa gutpela bekim i kam bek.

Ekting Edvaisa bilong ol Graun na Fisikel Plening long Madang, Francis Irara, i tok ol papagraun i wok long paol yet.

Gavman graun i no kam aninit long progrem bilong 99 yia lis we gavman i bin kisim long yia 1888, em i tok.

Tasol em i tok ol graun we ol i brukim i go daun long ol poson o blok

em i kam aninit long 99 yia lis. Ol papagraun i ken kisim takis long dispela kain graun.

Dispela kain pasin we Mista Kamang wantaim lain bilong em i wok long mekim nau i rong. Wangepa kot oda long stopim ol papagraun long noken givim nating graun long ol arapela manmeri long yia 2000 i stap yet, Mista Irara i tok.

Ol papagraun i laikim tru long bung

Ol papagraun i laikim bung na paitim toktok wantaim gavman.

na paitim toktok wantaim gavman long ol i mas tok orait na stretim ol dispela samting.

Ol i laikim olsem gavman i mas peim mani mak olsem K30 milien kompensesen i kam long ol papagraun stat long yia 1888 i kam inap 2004, gavman i mas givim bek o riniuim 99 yia lis we i pinis long 1987 na tu gavman i mas peim ol aut-standing kleims i go long ol papagraun stat long 1987 i kam inap 2004.

Long wankain taim, ol papagraun i bin givim wangepa petisen i go long memba bilong Madang Open, Alois Kingsley, long askim gavman long peim K30 milien kompensesen tasol dispela wok i no kamap yet.

Nau yet ol papagraun na gavman i bin wanel olsem ol bai bung long paitim toktok long stretim dispela hevi long sampela taim long dispela mun.

Ol manmeri bilong Yabim planim rais

INSAIT long Finsafen long Morobe provins, 16 ples lain long Yabim Mape Lokel Level Gavman Kaunsel hap i no isi long go insait long planim rais bilong ol wanwan.

Wangepa tim lida bilong Gawenglabu ples, Ginbingno Boko, i tok ol famili nau yet i wok long planim rais

yet long kaikai na salim long kisim mani.

Em i tok, nau ol fama bilong planim rais i gat ol gutpela tuls na save bilong planim na kamapim rais long wanem na ol i amamas long traim long helpim ol yet na kamapim dispela rais long mekim sindaun bilong ol long ples i isi liklik.

ANNA SAGAHUNG SIWIN (Nee SAPA-LO-OHAI)
Dai long 10th October, 2001



Oh Tinei, munou masip misim gou panuw. Mariyom hei atu lo mana munou. Aro makim yia tarop gou lusim munou. Munou na domonai gou pa tama munou atu long sarum amunou. Ale mahuw atu oh ariei.

Rest in Peace!

Munou narum masip -Beang & family, Sa-ame & Family, Tatah & Family, Babaleu & Family, Samangsobwei & Family, Sajam A-au & Family, Nyamelawangbwei, Siso & beibi aram Sapalo-ohai, Iye Pwepwe & Family; oh lain masip atu Suhii, Pihinyang pa Drehe; Nabusom Nyohandrapwei pa family atu Kavieng.

Cat® Skid Steer Loaders

- 216
- 226
- 228
- 232
- 236
- 242
- 248



Engine performance and operator comfort maximise production.

Smooth, Easy Controls

- Two hydraulic joystick controls require only minimum wrist/hand movement, greatly reducing operator fatigue.
- Auxiliary hydraulics are actuated by a thumb-operated rocker switch on the joystick.
- Hand-throttle allows you to run at a constant speed, or an accelerator pedal can be used during load and carry, excavating or backdragging.

Operator Comfort

- Optional suspension seat adds operator comfort.
- Clear view of the work tool reduces operator fatigue and increases productivity.

Power and Versatility

- The Cat 3034 Engine is proven and reliable.
- Powerful hydraulics deliver outstanding lift and breakout forces.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129

Helpim Sauten Hailans na pinisim paul pasin

Andrew Molen i raitim

BIKPELA helpim i mas go long Sauten Hailans provins (SHP) long pinisim planti hevi we i wok long kamap long sait bilong to na oda na ol pasin bilong paulim ol samting long provins.

Wanpela lida na bipo memba bilong palamen, Sir Matiabe Yuwi, husat i makim maus bilong ol manmeri bilong SHP long Pot Mosbi i singaut long gavman long traim na helpim provins bilong em.

"Mipela ol manmeri bilong Sauten Hailans i gutpela lain, em wanwan lain husat ol i laik gat pawa, kisim biknem na kamap bikman wantaim gan long han bilong ol i bagarapim nem bilong mipela 9-pela ilektoret," Sir Matiabe i tok.

Long wankain taim em i tok bikpela sori bilong em na ol pipel bilong em i go long gavman long planti trabel na birua we i bin kamap long taim bilong ileksen long 2002.

"Mi sori tru long dispela ol bikhet pasin i kamap."

"Tasol mipela ol bikman na ol liklik manmeri bilong Sauten Hailans tu i no amamas long ol dispela pasin na mipela tu i laikim bai dispela i mas pinis," Sir Matiabe i tok.

Wanpela we em ting bai inap long helpim provins bilong em, em long dispela Enhensmen Koperesen Progrem (ECP) wantaim Australia we i wok long kamapim.

"Mi laikim bai ol i salim hap bilong dispela ol lain bilong ECP i go long Sauten Hailans," em i tok.

Em i tok wanpela polisman bilong Australia i mas lukautim ples long hap na ol polis bilong Papua Niugini i ken wok wantaim em long lukaut na save bilong em.

Sir Matiabe i tok dispela ol lain bilong ECP i mas lukautim tu mani na sait bilong ikonomi bilong provins bilong wanem planti ol pablik sevens i kisim pasin bilong ol politiesen na ol lida long stap nating na kisim mani nating.

"Mi laikim ol i stap olsem tresera bilong wanwan hap bilong provins na lukautim mani bilong ol pipel bilong wanem planti taim mani i save lus na mipela i no save em i save go we stret," Sir Matiabe i tok.

Em i tok hevi antap long SHP i go bikpela na dispela i mekim bus i karamapim ol rot na

ol stesen na planti sevis i no save kamap long ol pipel.

Sir Matiabe i laikim tu bai namba bilong ol polis i stap lukautim ples long hap i mas go antap bilong wanem namba bilong ol pipel bilong SHP i bikpela tru.

"Namba bilong polis i mas 1000 na i go antap bilong wanem ol pipel bilong SHP em 500 000 na tu o 300 polisman i no inap."

"Ol man i gat kainkain gan pinis, sampela bilong ol gan we polis na ami i nogat em ol i gat pinis.

"Sapos yumi i no wokim wanpela samting, nogut pait bai kirap olsem i bin kamap long Bogenvil na bagarapim sindaun na mipela ol pipel bilong SHP i pret na wari long dispela," Sir Matiabe i tok.



BANK OF PAPUA NEW GUINEA

IMPORTANT EARLY NOTICE FOR PRIVATE SECTOR EMPLOYERS

EMPLOYEE & EMPLOYER CONTRIBUTION RATES INCREASE IN 2005

I draw to the attention of Private Sector Employers that mandatory superannuation contribution rates will increase from 1 January 2005. This will require forward planning by Employers to ensure a smooth transition to the higher contribution rates.

At 1 January 2005, the private sector employee contribution rate will increase from 5 percent to 5.5 percent. The employer contribution rate (on behalf of the employees) will increase from 7 percent to 7.7 percent.

The schedule of changes to superannuation contributions is set out in Superannuation Regulation No. 4 of 2002 as certified on 6 April 2002. The scheduled increases are as follows:

Minimum Contribution Rates	Current	1- Jan-05	1- Jan-05
Private Sector - Employee Contributions	5.0%	5.5%	6.0%
Private Sector - Employer Contributions	7.0%	7.7%	8.4%
Public Sector - Employee Contributions	6.0%	6.0%	6.0%
Public Sector - Employer Contributions	8.4%	8.4%	8.4%

Currently public sector workers have higher mandatory contribution rates than their private sector counterparts. This will start changing on 1 January 2005. Contribution rates will rise to a mandatory minimum of 5.5% from the Private Sector employee and 7.7% from the Private Sector employer - an increase of 1.2% in total. There will be a further rise in 2008 to bring the private sector into line with the public sector.

The Private Sector employers have three (3) months before the increase in the contribution rates come into effect on 1st January 2005. This gives companies sufficient time to advise employees and to prepare for a smooth transition to the new contribution rates.

The superannuation industry is a vital cornerstone for the development of Papua New Guinea. We need to maintain a broad consensus on the direction of superannuation going forward.

If you would like any further information or clarification, or if we can help in any other way, please contact:

The Manager Financial Systems Supervision Department
Bank of Papua New Guinea
PO Box 121
PORT MORESBY, NCD

Telephone: 322 7200 or 322 7319
Facsimile: 321 4548

Benny B. M. Popoitai, MBE
Acting Governor

Pombpolye sapatim disisen bilong Smith

Yakam Kelo i raitim

MINISTA bilong Trensport na Sivel Eviesen, Don Pombpolye, i sapatim tru pasin Gavana bilong Isten Hailans provins, Mal Kela Smith, i bin mekim long pasim ol opis long provins long las wik.

Mista Pombpolye i tok as em i sapatim Mista Smith em olsem Dipatmen bilong Fainens na Treseri i no sut stret long ol bikpela

"Em bai orait sapos ol pablik seven i yusim gutpela tingting na mekim ol komyuniti wok olsem karimaut aweanes kempen long sik AIDS."

samting bilong lukautim na larim ol arapela wok na ol samting i stap pastaim.

Ol pipel bilong Papua Niugini i save olsem kantri i gat hevi long mani na kain pasin bilong pusim moa hevi i go antap long liklik mani gavman i wok long mekim wok wantaim i no stret olgeta., em i tok.

Liklik mani we i wok long ron i mas go stret long ol bikpela eria na wok bilong provinzel gavman na ol lokel level gavman insait long kantri na ol arapela samting em lusim pastaim.

"Wanpela samting we i no stret olgeta em ol i wok long peim ol wok we peimen i no pinis yet, peim ol hevi ausait long kot na ol arapela wok we i no stap long baset.

"Na dispela i mekim wok bilong provinzel gavman long ronim provins i pundaun, Minista Pombpolye i tok.

Mista Pombpolye, husat tu em memba bilong Kendep long Enga provins, i tok sapos ol provins na lokel level gavman i no kisim mani bilong karimaut ol wok bilong ol bai yumi lukim ol opis na sevis i pas olsem nau yumi lukim long Isten Hailans provins.

Em i tok Dipatmen bilong Fainens na Treseri i mas opim ai nau na lukim hevi tru tru we inap kamap na kamap wantaim ol nupela rot we ol mani i ken ron gut long en i go long ol provins na lokel level gavman.

Em i tok taim Mista Smith i bin pasim opis dispela i stopim moa kos long kamap. Tasol em bai orait sapos ol pablik seven i yusim gutpela tingting na mekim ol komyuniti wok olsem karimaut aweanes kempen long sik AIDS, aweanes long ol spak brus na ol wok bilong sios na arapela moa.

Mista Pombpolye i tok gavman nau i wok long ronim wok bihainim stail na menesmen bilong ol praiwet bisnis kampani. Dispela i olsem sapos i nogat mani bai wok i no inap ron na bisnis bai pundaun.

"Mi olsem man bilong dispela kantri na lida bilong palamen i laikim tru dispela kain rot long ranim bisnis taim i gat mani.

"Olsem na mi askim olgeta lida na ol sinia pablik sevens long bihainim dispela kain stail, em i tok.

Mista Pombpolye i askim olgeta lain long noken tingting kranksi long disisen bilong Mista Smith. Ol i mas luksave olsem i gat bikpela hevi tru olsem na i mas gat wok bilong stretim, em i tok.

Hap Hap Nius

Wanpela i dai, tripela i lus long solwara

LONG Tunde ol ripot i tok olsem wanpela man i dai na tripela arapela i lus yetlong solwara bihain long bot ol i wok long ron long en i kapsait long maus bilong Vailala Wara long Galp provins. Polis ripot i tok olsem dispela birua i bin kamap long Septemba 29, taim wanpela banana bot we i wok long karim 11-pela pipel long Kerema taun i go long Baimuru i bin kapsait. 7-pela pasindia i bin swim i go long sua, bodi bilong wanpela husat i bin dring wara ol i painim bihain, na 3-pela i lus yet.

UNHCR surikim ol refuji i go long Kiunga

YUNAITED Nesens Hai Komisn bilong ol Refuji las Fonde i pinisim namba wan hap bilong wok bilong ol long surikim 77 pikinini, 52 meri na 56 man, olgeta ol refuji bilong Papua provins bilong Indonesia, husat i bin wok long stap long Vanimo, West Sepik provins i go long Kiunga long Westen provins. Ol refuji em ol lain husat i save ronawe long kantri we ol i stap long en bikos long ol kain birua olsem taim hangre o woa. Wanpela balus i bin surikim dispela grup long Vanimo i go long Kiunga. Dispela grup i bin namba wan hap bilong 460 pipel husat i bin kamap long Vanimo long Desemba 2000.

Temu helpim Abau

CLOUDY Be Lokel Level Gavman (LLG) long Abau, Sentral provins, nau ig at wanpela nupela trakta wantaim treila na tupela 23fut dingi o bot wantaim ol moto bilong ol. Memba bilong Abau na Minista bilong Stet Entaprais na Infomesen, Dokta Puka Temu, i bin givim dispela helpim, mani mak bilong en inap long K150,000, long ol pipel long namba 29 Independens De selebresens. Dokta Temu i tok olsem em i taim bilong mekim samting na i no bilong pilai politik.

Tufi Kalsarel So i bin stail tru

TUFI Kalsarel So i bin kamap gut tru long dispela yia na planti pipel i bilip i winim so we i bin kamap las yia. Ol strongpela win long hap bilong Cape Nelson i no bin stopim ol komyuniti long karim ol singsing grup bilong ol long longwe olsem Wanigela na Oro Be i kam long dispela so we Nesenel AIDS Kaunsil i bin sponsaim. Ol lain husat i bin go pas long dispela so i tok olsem planti pipel long ol arapela hap bilong kantri na wol i bin kamap long lukim dispela so na planti i bin laik lukim stret ol pot na tapa klos bilong grup bilong Masin long Wanigela.

Japan helpim Tapini Hai Skul

Joe Ivaharia i raitim

Tapini Hai Skul long Goilala distrik insait long Sentral provins i bin kisim helpim long Gavman bilong Japan long Tunde.

Helpim i kam olsem long sait bilong kirapim gut edukesen bilong ol pipel bilong Papua Niugini we gavman bilong Japan i amamas long mekim.

Gavman bilong Japan i bin givim helpim long bildim wanpela mess hall o haus kaikai long skul.

Mani mak bilong dispela helpim bai K280,000.

Dispela mani o grant em bilong baim ol samting long bildim dispela haus kaikai.

Long makim dispela helpim, Embesada bilong Japan, Katsuo Yamashita, i bin

sainim ol pepa wantaim Siaman bilong Bod ov Gavano bilong hai skul, Fr.Brian Cahill, long Pot Mosbi.

Mani long kamapim dispela helpim i kam aninit long Japanese Grant Asistens bilong Gras Ruts Projek (GGP) we i strongim poroman na wok bung wantaim namel long ol tupela kantri bilong Japan na Papua Niugini.

NCD/Sentral polis kisim nupela ka

...Helpim long lukautim komyuniti

Joe Ivaharia i raitim

KOMANDA bilong Nesenel Kapitell Distrik (NCD)/Sentral Polis, Tony Wagambie, long Mande dispela wik i bin kisim wanpela nupela ka long wanpela moto ka kampani NiuFord long helpim wok bilong polis.

Dispela nupela ka i kisim ples bilong olpela ka bilong em we i bin stap moa long 6-pela yia, i bin lapun tru na i save bagarap klostu klostu.

Dispela nupela ka i kos moa long K110,000 na mani bilong baim i bin kam aninit long helpim bilong tupela ogenaisesen, Eda Ranu na Nesenel Kapitell Distrik Komisn (NCDK) we ol i bin bungim hap mani long kisim mak bilong olpela ka we ol i bin treidim o senisim wantaim Niuford.

Long makim givim bilong ka i go long Komanda Wagambie, Siaman bilong Eda Ranu, Timothy Bonga, i tok dispela em i hap wok bilong tupela ogenaisesen long helpim na givim sevis long polis fos long

lukautim gut siti.

"Long soim mak bilong rispek na amamas long polis fos mipela i givim dispela ka i go long yupela long mekim gut wok bilong lukautim komyuniti

"Long soim mak bilong rispek na amamas long polis fos mipela i givim dispela ka i go long yupela."

bilong yumi long siti", Mista Bonga i tok.

Em i singaut tu long ol polis long lukautim gut ol haus, opis na ol ka long mekim wok bilong ol i kamap gut insait long dispela taim nogut nau we yumi wok long painim hat long sait bilong ikonomi.



Mista Bonga (Ilephan) i givim ki bilong ka i go long Komanda Wagambie. Foto: JOE IVAHARIA

Galp wetim yet mani bilong pait egensim sik AIDS

GALP Provinsel Aids Komiti i wok long wet yet long K20,000 we provinsel gavman i bin tok promis long givim em long ol HIV/AIDS aweanes progrem bilong ol long sampela taim i go pinis.

Presiden bilong Galp Kaunsil ov Wimen, Tete Keko, i tok las Fonde, olsem dispela tok promis i stap long pepa tasol mani stret i no kam yet.

Misis Keko i tok tu olsem em i no amamas long pasin ol politisen long provins bilong em i save soim long wok komiti i save mekim.

"Mipela long Galp provins i gat hevi long tingting na pasin. Mipela i gat hevi long harim toktok," em i tok.

Em i wok long toktok long ol politikel lida bilong provins husat i wok long stap tasol long Pot Mosbi na i no long provins we ol i ken toktok long ol long ol progrem bilong ol.

"Mipela save lukim ol tasol taim ol i save kisim balus i kam, stap sotpela taim tasol, na kisim balus i go bek," Misis Keko i tok.

Em i tok hevi bilong tingting, pasin na harim, i wok long pasim rot bilong ol progrem long provins.

"Sapos mipela i harim toktok mipela i ken senis, nogat bai Galp i bagarap," em i tok.

Misis Keko i tok komiti i bin mekim planti wok wantaim ol meri grup, yut, sios na

komyuniti, olgeta husat i wok long wok bung wantaim gut wantaim ol.

Em i tok Yunaited Sios long provins i wok go pas gut long ol progrem.

Deputi siaman bilong komiti, Geoffery Maritaupae, i sapotim ol toktok bilong Misis Keko.

"Wanem em i tok em i tru. Ol lida bilong mipela i no save wok bung wantaim mipela. Ol na ol provinsel opisa bilong ol i save stap long Pot Mosbi," em i tok.

Mista Maritaupae i tok i tru olsem gavman i bin tok promis long givim komiti K20,000, tasol ol i wok long wet yet long kisim dispela mani na yusim long kamapim ol progrem bilong ol.

Trust a Genuine Brand



PORTABLE GENERATOR

Advantages

- ✓ HIGH POWER OUTPUT
- ✓ LOW NOISE LEVEL
- ✓ RELIABILITY & DURABILITY
- ✓ PARTS & SERVICE BACKUP
- ✓ BUILT WITH YAMAHA JAPAN ADVANCE TECHNOLOGY

POWERING THE NATION

Special Price!
K1,665
GST INCLUSIVE

HURRY OFFER EXPIRES: 30th OCTOBER 2004. WHILE STOCKS LAST.



AVAILABLE NATIONWIDE

FOR MORE INFORMATION CONTACT :
James Moveh - Port Moresby
Ph 3229400 Fax 3213703
Email : jmoveh@elamotors.com.pg



TOYOTA TSUSHO (PNG) LTD.
www.elamotors.com.pg

Olgeta skul makim Nesenel Edukesen Wik

...Bung bilong glasim gen ol rekot na mak bilong wok edukesen bai kamap tu

Yakam Kelo i raitim

OL SKUL insait long Papua Niugini i amamasim Nesenel Edukesen Wik long dispela wik we i stat long Oktoba 4 na i kam pinis long Oktoba 8 long dispela wik.

Het tok bilong dispela Nesenel Edukesen Wik em Prosperity through Self Reliance. Tok pisin em olsem, kamap gut taim yu yet mekim samting i kamap.

Ol i opim dispela Nesenel Edukesen Wik long Sen Marys Praimeri Skul long Wewak, Is Sepik provins, na bai ol i pasim long Manus provins. Long opim ol selebren bai

ol i mekim long Taurama Praimeri Skul long Pot Mosbi.

Siaman bilong Nesenel Edukesen Wik Komiti, Dokta Joseph Pagelio, i salim pas pinis long olgeta Provinsel Edukesen Edvaisa long toksave long wanwan skul long provins bilong ol long go het wantaim ol pilai na amamas bilong ol wantaim wanem kain strong na mak ol i gat long selebretim dispela wik.

Ol skul insait long wanwan provins i mekim klia pinis olsem ol i redim ol kainkain pilai na ol samting bai ol i mekim long skul bilong ol long dispela wik.

Taim ol i pasim Nesenel Edukesen Wik long Manus long Fraide Oktoba 8, bai i gat Provinsel Edukesen Semina o bung long

Singaut i go long ol savemanmeri bilong Manus long ol i mas givim tingting tu long dispela bung.

Oktoba 11 - 15.

Dispela bung long bai lukiuk long glasim gen ol rekot na mak ol i kamap long en long 5-pela yia i kam long sait bilong edukesen risalt o karkai bilong wok edukesen na level o mak bilong ol. Ol bai lukiuk long sanapim


nupela mak bilong go long en insait long Provinsel Edukesen Plen bilong ol. Singaut i go long ol savemanmeri na bikmanmeri bilong Manus long ol i mas givim tingting tu long dispela semina.

Nesenel Edukesen Wik selebren long Milen Be provins bai kamap taim ol i givim wok projek i go long Kuaro Vokesenel Senta long provins long Oktoba 6.

Nesenel Edukesen Wik i save kamap long olgeta yia long go wantaim Intanesenel De bilong Tisa long Oktoba 5. Long dispela de em i taim bilong tingim bikpela wok ol i mekim long edukesen.

Limitet Preferensel Voting em i niupela wei bilong vot long Nesenel Paliamen Ileksen.


Niupela wei bilong kauntim ol vot.



Gima Purple Ezekiel Red Michael Green Tarris Yellow Stella Pink Joseph Blue



Lukim namba 1 piksa. Em ol 6-pela kandidet long tok piksa ileksen. Wanpela bai win sapos em i winim Absolute Majority. Long Tok Inglis na LPV lo, Absolute Majority i namba winim hap bilong olgeta formal vot em i gupela na stret. Lukim Namba 2 piksa wantaim ol vot. Bung wantaim, olgeta vote i kamap 1000. Absolute Majority bilong dispela 1000 em i moa long 500 vot. Sapos 1-pela kandidet i mekim vot antap long 500, em winim ileksen.



Postaim bai ol kauntim ol Namba 1 vot tasol.

Lukim Namba 2 piksa gen wantaim ol vot. I nogat wina bikos nogat kandidet i kisim Absolute Majority antap long 500 vot. Orait kandidet Gima Purple wantaim 100 vot bai pinis long ileksen bikos em i kisim Ilik Namba 1 vot na i no nap stap long ileksen. Lukim Namba 3 piksa. Namba 2 vot bilong ol narapela kandidet long balot pepa bilong Gima Purple i go nau long ol kandidet husat ol vota i mekim olsem Namba 2 kandidet bilong ol.

Na gen nogat kandidet i kisim Absolute Majority. Orait kandidet wantaim Ilik vot bai pinis tu long ileksen. Nau bai ol kauntim Namba 2 o Namba 3 vot long balot pepa bilong em na givim i go long ol kandidet husat ol vota i mekim olsem Namba 2 o Namba 3 kandidet bilong ol.

Kauntim bai i go inap 1-pela kandidet i win wantaim Absolute Majority antap long 500 vot. Lukim namba 5 piksa. Kandidet Joseph Blue em i wina bilong dispela tok piksa ileksen. Lukim. Baga ya i win wantaim 505 vot. Dispela 505 vot bilong em i winim Absolute Majority.



PVM10606

Skul fi bilong Yunitek bai go long kot

DISISEN bilong Yunivesiti ov Teknoloji (Unitech) long Lae long apim skul fi i go antap long neks yia bai go long kot.

Morobe Provinsel Gavman i kamap wantaim dispela disisen long salensim dispela disisen bilong Unitech long apim skul i go antap long 23 pesen (%) mak long neks yia.

Morobe Provinsal Asembli (Tutumang) i bung las wik na kamapim wanbel long Gavana bilong provins, Luther Wenge, long salensim dispela disisen bilong skul long kot. Dispela disisen bilong apim skul fi long neks yia i bin kamapim bikpela belhevi long ol student bilong Yunitek taim kaunsil bilong skul i tokaut long dispela disisen bilong ol long dispela yia.

Tutumang i pilim olsem taim skul fi bilong Yunitek i go antap bai givim bikpela hevi long planti sumatin na inap bagarapim planti sumatin long go long skul.

Tutumang i ting olsem nesenel gavman inap long apim baset bilong yunivesiti i go antap bai skul i noken apim skul fi long ol sumatin na givim hevi long ol.

Tasol Minista bilong Haia Edukesen, Brian Pulayasi, i no autim wanpela tingting yet long dispela taim em i bin bung wantaim ol sumatin long las mun.

Oposisen strong long kamapim fri edukesen

OPOSISEN i sanap strong long fri elementri edukesen polisi bilong olgeta pikinini insait long kantri.

Lida i go pas long dispela polisi memba bilong Anglimp Saut Wagi, Jamie Maxtone Graham, i tok amamas long lida bilong Oposisen, Peter O'Neill, long tokaut long dispela polisi bai ol i mekim klia gut tru taim Oposisen i kisim gavman.

Mista O'Neill i tokaut yet long dispela fri edukesen polisi long Praim Minista Paia Wingti i bin kamapim sampela 10-pela kris-mas i go pinis.

Edukesen em bikpela samting long olgeta pipel olsem na mipela bai kirapim dispela polisi taim mipela i kisim gavman, Mista O'Neill i tokim ol pipel.

Mista Matone Graham i strongim tok olsem planti pikinini namel long 7-pela na 8-pela yia i nogat gutpela edukesen na helt sevis bilong ol.

Dispela hevi i save kamap long ol pikinini

husat papamama bilong ol i no save kisim gutpela pe insait long ol setelmen na ol ples tu insait long kantri.

Mista Graham i tok gavman i mas lukluk long ol turangu lain husat i save painim hat tru long peim skul fi o helt sevis bilong ol pikinini i mas kisim sapot bilong gavman.

Gavman i mas peim skul fi bilong ol pikinini husat i kam long dispela kain famili we mani i no inap long sapotim skul fi na helt sevis bilong ol, em i tok.

Wanem kain gavman i kamap i noken tok olsem i nogat mani bilong peim edukesen na helt sabsidi bilong ol pikinini bilong dispela kantri.

Sapos mipela i rausim mani long ol bikpela poket mani ol bikman i save kisim na daunim namba bilong ol pablik seven, bai yumi inap painim mani insait long gavman sistem yet long givim sapot long sait bilong skul fi na helt sevis bilong ol pipel bilong yumi, Mista Maxtone Graham i tok.

Ol mama grup mas bung gut

Ol man i mas wokbung wantaim ol meri

SAPE METTA i raitim

OL mama na ol yangpela meri husat i stap insait long ol wimens grup long kantri i mas sanap strong na bung gut wantaim ol yet sapos ol i laik lukim gutpela kaikai na developmen i kamap long laip bilong ol, long komyuniti, taun na provins bilong ol. Dispela em i sampela strongpela toktok Minista bilong Welfea na Komyuniti Developmen, Ledi Carol Kidu i mekim long taim em i kamap long pasim bikipela konfrens bilong ol meri long Goroka, Isten Hailans long Fonde las wik.

Lady Kidu i tok sapos ol mama i laik kamapim developmen orait ol i mas stopim pasin bilong kros na pait na salens namel long ol yet long sait bilong kisim posisen na biknem na wok bung long kamapim gutpela kaikai insait long komyuniti. Interes bilong ol meri na gutpela sindaun em i bikipela samting. Em i tok ol mama i mas kisim gutpela tingting long helpim ol arapela mama, na ol i mas yusim gut ol risoses long developim ol yet na famili bilong ol.

"Sapos yupela ol mama i laikim senis, orait yupela i mas senisim ol pasin bilong yupela," Lady Kidu i tok.

Em i tok ol mama i mas senisim pasin bilong tingting tumas long ol wok na posisen na kisim biknem na



• Ol Mama grup i sindaun na somapim bilong ol long salim. Ol tu i mas sanap strong na karimaut wok long developim kantri.

tingting strong long mekim ol gutpela wok we bai ol yet, famili bilong ol na tumbuna bilong ol bai i ken painim amamas long en.

Lady Kidu i tok ol mama i mas sanap strong na karim aut ol wok bilong kirapim na developim PNG.

Em i tok sapos ol mama na ol papa tu i no inap long bungim ol yet na wok bung, ol ovasis dona kantri bai i no inap kamap na givim helpim

na sapat. "Olsem na bikipela samting em yupela i mas wok bung na ogenaism yupela yet gut bai ol dona kantri bai i ken luksave na sapatim yupela," Lady Kidu i tok.

Em i tok nau yet long kantri i gat planti ol asosiesen bilong ol mama, na Goroka distrik em i go pas nau long soim olsem em i gat bikipela tingting long sanap strong na go het long

karim aut wok bilong ol mama. Na ol mama long dispela hailans senta i givim bikipela resis nau long ol arapela wimens grup long PNG.

Lady Kidu i tok nau yet long Nesanel Gavman, i nogat baset mani bilong ol mama, olsem na em i askim ol mama long wok hat bai Nesanel Gavman i ken luksave na traime long sapatim wok bilong ol.

Em i tok dipatmen bilong em i wok long karim aut wok yet long putim aut wanpela polisi we bai em i ken lukluk long kirapim na strongtim interes bilong ol mama long kantri.

Lady Kidu i tok polisi ya bai lukluk long komyuniti developmen (long sait bilong gutpela menesmen na ranim wok), gutpela skul na trening, gutpela ikonmik menesmen na gutpela envaronmen.

Long raun bilong Lady Kidu, em i bin mekim tupela arapela samting tu we em i bin kamap na opim Iliyufa viles we ol mama grup long hap bai kirapim wanpela wimens risos senta. Na em i opim namba wan Wimens Risos Senta long Wes Goroka we Goroka memba na Minista bilong Polis, Bire Kimisopa i bin i go pas long bildim na kirapim.

Dispela tripela de konfrens em British Hai Komisen na Minista bilong Polis, Mista Kimisopa i bin sponsarim.

OL meri long Goroka i bin amamas tru taim Minista bilong Komyuniti Developmen na Sosol Welfea, Lady Carol Kidu i kamap long bung bilong ol we em i givim sampela gutpela na bikipela toktok long ol.

Ol man i mas wokbung wantaim ol meri long helpim ol long ol wok bilong ol insait long komyuniti na tu long developen bilong kantri.

Lady Kidu i mekim dispela tok taim em i opim nupela Wes Goroka risos senta bilong ol meri na tu em i brukim graun long wok bai i kirap long wokim wanpela nupela risos senta bilong ol meri long Iffuafa.

Ol meri long Goroka i askim em long i go toktok long ol long wanpela konfrens o bung bilong ol long Fonde las wik (Septemba 30).

Em i tok ol man na meri i mas wok wantaim long

helpim developmen bilong kantri bilong yumi.

Lady Kidu i tok ol man na ol meri i olsem win bilong pisin Kumul i stap long flek bilong kantri.

Em i tok long dispela as ol i mas wokbung wantaim long helpim kantri olsem tupela win bilong Kumul i save helpim em long flai antap long skai.

"Ol man na meri em ol poroman tru long helpim kantri igo het na ol i mas wokbung na ol man i no ken luk daun long meri olsem ol i stap aninit long ol.

"Sapos ol i bihainim na wokbung wantaim bai ol i helpim kantri i go het moa," Lady Kidu i tok.

Long wankain taim Minista i tok tenkyu i go long memba bilong Goroka, Bire Kimisopa long sapat bilong em long wok bilong ol meri taim em i sanapim dispela ol risos senta.

PLEN BILONG MAMA I STAP GUT

Ol mama i mas givim spes long karim pikinini. Sapos mama i gat bel na karim pikinini gen aninit long tripela krismas, em inap lusim bikipela blut bihain long em i karim pikinini na dai.

Mama i mas kisim planti malolo taim em i gat bel. Mama husat i no kisim inap malolo taim em i gat bel i ken bungim bikipela hat taim wantaim bikipela pen long taim em i karim bebi na em inap lusim bikipela blut tu. Na dispela inap bagarapim laip bilong em.



Kol rais na pis

Ol samting yu mas i gat

- Wanpela tin pis
- Tupela kap rais i bin kuk pinis
- Tupela spun gris
- Liklik grinpela anian

Rot bilong bihainim.

- Putim gris insait long sospen antap long paia.
- Taim gris i hat, putim rais i go wantaim gris na praim liklik taim.
- katim anian igo liklik
- bungim pis na anian wantaim rais
- tanim, tanim inap kaikai i hat na kaikai. Yu ken wokim olsem kol rais na tin mit. Sapos yu laik yu ken putim sampela grin pepa o kumu wantaim kol rais tu

Ol meri inap stretim kantri

OL meri bilong Papua Niugini i givim ful strong bilong ol long developmen bilong dispela kantri.

Dispela em toktok bilong Nu Ailan Provinsal Edministreta Robinson Sirambat taim ol i opim konfederesen bilong Yunaitet Sios Wimens Felosip long olgeta hap bilong Papua Niugini long Liga ausait long Kavieng taun long las wik.

Het tok bilong bikipela bung em Wimen and Literacy na het tok aninit em shaping the world through knowledge and literacy. Em i olsem ol mama i kisim save long rit na rait na stretim wol wantaim save na rit na rait.

Mista Sirambat i tok tupela het wantaim em bikipela toktok tru na em i tok strong long ol meri long ol i mas wok strong long karimaut wok bilong ol tru long kirapim na strongtim olgeta wok bilong developmen.

Mama em i bikipela samting we i strong bilong famili. Wok bilong yu olsem mama i bilong kamapim strongpela pipel bilong bihain taim long dispela kantri.

Olsem na wok bilong yu long stretim na kamapim gutpela samting long bihain taim em nogat man inap daunim, Mista Sirambat i tok.

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi. Yu ken salim ol stori tu long email: word@global.net.pg.

Kisim save long SKUL BILONG LAIP

YUTUPELA I MAS GO LONG HELT SENTA WANPELA WIK BIHAIN LONG SEKAP OLGETA TAIM.

TENKYU DOKTA. MI SAVE YU SEVIN LAP BILONG THERESA OLSEM NA MIPELA I GAT NUPELA BEBI.

ANNETTE I HOLIM NUPELA BEBI BILONG OL NA OL IGO LONG PLES.

INAP YUMI KOLIM EM BENJAMIN?

OH, NAISPELA BEBI YA. AMAMAS YA. GUTPELA LONG LUKIM YUPELA I KAM LONG HIA TAIM THERESA I STAT LONG BUNGIM HEVL. HEVI BILONG EM I MAS GO ANTAP NAU YA.

HELT SENTA

NAU YU MAS LUKAUTIM GUT THERESA NA BEBI BEN. YU MAS WASIM EM OLGETA DE NA BEL ROP BILONG EM I MAS KLIN NA DRAL. LUKAUT GUT LONG YELO SKIN. SUA AI. OL SKIN HOT.

KAM BEK LONG WANPELA MUN BIHAIN LONG BEN I KISIM BANIS SUT. NA TU YUMI KEN TOKTOK LONG FAMILI PLENG. BAI NEKS BEBI I NOKEN KAMAP INAP YUTUPELA I REDI.

PINIS HELT

Mumeng Distrik Konfrens bai kamap long Wau

EVENJELIKEL Luteran Sios Mumeng Distrik bai holim distrik konfrens o bung long dispela yia long Wau long Oktoba 25, 2004, insait long Morobe provins.

Dispela bung i save kamap olgeta yia long bungim ol pipel bilong Mumeng long toktok long ol hevi na ol wok bilong sios insait long distrik.

Dispela bung bilong Mumeng distrik bai kamap long Kaisinik long Wau tasol em i hat tru long tok-

tok wantaim presiden bilong Mumeng distrik Pasta Yasam bikos telepon long Mumeng stesin i stop longpela taim inap nau.

Tasol i gat bilip long planti manmeri bai kamap long dispela konfrens we ol bai i kam long ol wanwan jon na paris bilong ol insait long Wau Bulolo na Mumeng hap. I gat save tu olsem ol pikinini Mumeng long ol arapela provins tu bai kamap long dispela bung.

Don Bosco bai sanapim nupela yut senta

OL YANGPELA insait long Papua Niugini i save stap insait long ol trabel na ol bikhet pasin na dispela pasin i bikpela insait long ol taun na siti. Olsem na Salesian misinari i kamap wantaim tingting long wokim wanpela senta ol i kolim Marian Shrine bilong skulim ol yangpela long gutpela pasin na gutpela samting bilong mekim.

Dispela senta bai kamapim nupela yut senta na sios we bai ol i kolim Our Lady of Christian o bihainim Mama Maria.

Mi lukluk long yupela ol man na meri long lukim dispela piksa we Jisas i wok long kisim skul long mama Maria taim em i liklik, Oksilari Bisop Cherubim Dambui i tokaut long ol manmeri husat i bin kamap bung long opim dispela hap graun bilong sanapim Kempes Don Bosco na dispela nupela senta.

Holi Si i gat laik long Pot Mosbi projek bihainim Kongrigesen bilong Evenjelikel wok bilong ol Pipel na i

orit long givim sapot bilong wokim ol haus na bilding, Fides misinari ejensi i tokaut long dispela long ripot bilong ol.

Asbisop Yllana i tok amamas long Salesian famili long dispela disisen bilong wokim dispela senta long makim Ave Maria. Don Bosco Salesian i save mekim planti wok aposel namel long ol yang pipel long sait bilong skul na ol arapela senta bilong bungim ol yangpela.

Nau ol i kamap wantaim narapela bikpela wok bilong misin, Nansio i tok. Dispela senta bai kamapim nupela sentis long Krai olsem wanpela bikpela luksave bilong sios long Papua Niugini we asempi i tokaut long en long las mun, Nansio i tok.

Pater Valerian Barbero husat em Salesian deligesen hia long Papua Niugini bai kam long lukim stat bilong wokim dispela senta na em i ting olgeta wok bilong wokim dispela senta na ol bilding bilong em i mas pinis insait long 12-pela mun.

Redi long wokabout long lekmak bilong Jisas



Ol yangpela manki Makam long Morobe provins i bin bung wantaim long konfemesen blesing bilong ol las mun long ples Gabsongkeg. Dispela blesing i lukim pinis bilong ol skul na trening ol i bin kisim long sios na i redi na kamaut olsem ol Kristen manmeri bilong mekim wok bilong sios na karim hevi bilong sios na go fowet nau.

Lotu i mas stap insait long ol haus sik

Michael Novingu
i raitim

MOA long 100 Kristen nes insait long Momase rijon i kamap bung long holim konfrens o bung bilong ol. Dispela bung em ol wanwan sios i kamap bung wantaim na kamapim long Gud Sepet Hai Skul ausait long Madang taun.

I gat ol nes kristen felosip grup i stap inasit long olgeta bikpela haus sik na ol liklik rurel haus sik na klinik insait long Momase rijon.

Presiden bilong Neses Asosiesen long Momase rijon, Sista Dianne Liriope, i tokim *Wantok Niuspepa* olsem as tingting bilong dispela bung i bilong strongim na bringim bek dispela Kristen felosip insait long ol haus sik long wok bung wantaim ol arapela lain

na ol wanwok bilong mipela na tu ol sikmanmeri.

"Taim yu kisim wok olsem nes i no min olsem yu i kam long wok na sait bilong mani tasol. Nogat. Yu mas karimaut wok bilong yu long trupela na stretpela pasin. Dispela em taim yu givim marasin em long ol sikmanmeri yu mas i gat bilip olsem ol i mas kamap gutpela gen. Long wankain taim yu mas i gat pasin bilong wanbel, laikim i mas stap oltaim.

"Yumi mas bihainim lek na han mak bilong Bikpela bilong yumi Jisas Krai taim em i stap long dispela graun na karimaut wok bilong em long oraitim ol sikmanmeri.

"Em i wok wantaim pasin bilong laikim arapela na wanbel i stap. Long dispela rot tasol bai yumi win long kari-

maut wok bilong mipela," Sista Liriope i tok.

Em i go moa na i tok wok bilong mipela ol Kristen nes insait long ol haus sik i no moa kamap gut nau.

Mipela i laik traim long bringim bek dispela wok bilong mipela i mas kamap gut em i tok.

"Yu save ol sikmanmeri kam long haus sik long kisim marasin ol i gat tupela tingting long kamap gutpela gen o nogat.

"Wok bilong ol nes long traim long helpim em long sait bilong Spirit na tu long bodi pastaim long yu i givim em marasin," em i tok.

Sista Liriope i tok bikpela tenkyu long husat lain i bin givim sapot na helpim we dispela konfrens i bin kamap gut tru na i nogat hevi i kamap.

Yu Larim ol pikinini i kam long mi

Yu ting wanem long Jisas i tok kam?

Taim yumi harim wanpela i singaut, kam, yumi laik bekim tok hariap na tokim em olsem yu wet liklik o yumi tokim em olsem mi laik i go long maket o long stua.

Tingim sampela taim yu no ting long i go tasol yu giaman tasol na tok mi laik i go long dispela hap.

Tasol yumi i go bek long Baibek na lukim stori bilong Matyu wantaim Jisas.

Matyu 9: 9. Jisas em i tokim Matyu olsem yu kam bihainim mi. Na Matyu em i no bekim tok bilong Jisas na tokim em olsem yu wet pastaim, nogat Matyu em i kirap na bihainim Jisas.

Dispela tok wet em i wanpela bilong sakim tok Harim sakim tok em i no gutpela pasin. Em wanpela pasin

Harim tok bai yu no inap painim sik AIDS long laip bilong yu. Bai yu stap amamas long graun na long Heven tu.

nogut tru. Sakim tok em i save bagarapim laip bilong planti manmeri (Matyu 25: 41).

Sakim tok em i ken kisim yu i go long kalabus. Sakim tok em i ken givim yu sik AIDS. Sakim tok em i ken givim yu dai. Matyu 10: 39.

Harim tok na bihainim. Harim tok na yu stap amamas wantaim famili bilong yu. Harim tok bai yu no inap go long kalabus.

Harim tok bai yu no inap painim sik AIDS long laip bilong yu. Bai yu stap amamas long graun na long Heven tu.

Frankie Vincent
- Liklik Tok Stia

Harim tok na bihainim. Harim tok na yu stap amamas wantaim famili bilong yu. Harim tok bai yu no inap go long kalabus.



Ol manmeri i save mekim ol kainkain pasin nogut, ol bai bagarap

Bai yupela i bagarap, yupela ol man i save baim planti haus na graun, na hipim bilong yupela yet. I no longtaim na bai yupela i kisim olgeta graun samting na ol arapela bai nogat ples bilong sindaun. Na yupela tasol bai i stap. Mi harim Bikpela i tok olsem, "Tru tumas, dispela olgeta bikpela na naispela haus bai bagarap na bai i nogat man i stap long ol. Maski ol i planim bikpela gaden wain, ol diwai wain bai i no karim planti pikinini wain, na bai ol i wokim liklik wain tasol. Na maski ol i planim 10-pela pikinini bek pikinini wit, bai ol i kisim kaikai inap long pulapim wanpela bek tasol." Bai yupela i bagarap, yupela ol man bilong kirap long bikmoning tru na dring wain na ol kainkain dring. **Aisaia 5: 8 - 12**

Mekimsave bilong lo i stret o nogat?

Dia Edita,
Mi sapotim ol man i kamapim tingting bilong ol long Wantok Niuspepa long Septemba 14, 2004, long "mekimsave long lo i stret o nogat?"

Mi sanap strong tru wantaim ol manmeri bilong Papua Niugini olsem ol lida i save mekim pasin nogut i mas kisim bikpela mekimsave tru.

Ol pipel i makim ol long mekim stretpela wok na i no long mekim nogut olsem na sapos ol i mekim pasin nogut orait lo i mas givim bikpela mekimsave i winim ol pipel bilong ples.

No ken givim sans o liklik mekimsave long ol lida. Maski tu long haitim rong bilong ol long wanem ol lida tasol i mekim na kantri i bagarap wantaim nogat gutpela senis.

Sapos ol i mekim rong orait kilim ol i dai tasol.

Dispela em i sapot tingting bilong mi.

JACKWIN TAZIMU LAE MOROBE PROVINS

Ol pipel i gat sik AIDS i mas i stap ples klia

Dia Edita,
Dispela askim bilong mi i go long Dipatmen bilong Helt na gavman long putim ol nem bilong ol lain husat i gat sik HIV/AIDS long pablik bai Papua Niugini i ken luksave.

Tu em bai gutpela sapos olgeta 5 milien populesen i go long medikel sekap bai gutpela.

Tok tasol, Dokta Clement Malau i toksave pinis olsem na em i mas givim sampela milien kondom olgeta taim.

MATT DEDEBOH HOLEYAH BANZ WESTEN HAILANS PROVINS

Yawari i no soim fri edukesen yet

Dia Edita,
Mi wanpela manki bilong Para ples long Hela distrik.

Mi lukim long TV na niuspepa planti taim Gavana bilong Sauten Hailans provins, Hani Yawari, i save tok fri skol.

Em long wanem hap kona bilong provins yu putim fri skol?

Plantu papamama salim pik na gaden kaikai pinis long kisim mani bilong baim skul fi bilong pikinini.

Ating em kirapim fri skul long Nipa, Kutubu na giaman olsem em kirapim long olgeta hap bilong provins.

JOHN E. WAKIRIA MT HAGEN WESTEN HAILANS PROVINS

Ol man nogut i mas kisim taim

Dia Edita,
Long pepa bilong Mande Septemba 6, 2004, Spika bilong Palamen, Jeffrey Nape, i tok long strongpela mekimsave long ol bikhet man long reipim na bagarapim na kilim ol mama na yangpela ol meri.

Dispela kain pasin i no fit wantaim Papua Niugini.

Sapos dispela kain pasin i go yet, planti bikhet man bai givim sik HIV/AIDS long ol mama na ol meri na famili bai bagarap.

Plis gavman i mas taitim lo strong na polis i ken mekimsave long dispela ol bikhet man.

Ol meri tu i mas raun wantaim ol man o bung na raun. Maski wokabaut wanwan.

MATT DEDEBOH HOLEYAH BANZ WESTEN HAILANS PROVINS

Hangamap long lo olsem rop

Dia Edita,
Mi wanpela rita bilong Wantok Niuspepa. Plis yupela givim liklik spes long mi pastaim na mi laik stori wantaim papa Peter Wana bilong Mt Hagen.

Mi laik bekim pas bilong papa Peter i bin kamap long Septemba 1, 2004.

Peter yu tu yu joinim SDA misin long 1951. Yu gat 43 yia bilong yu nogut yu kela nating long wok misin bilong yu. Brata olgeta Baibel teks yu pinisim. Yu statim long Jenesis i go pinisim long Revelesen.

Brata yu win tru na mi laik tokim yu stret olsem. Yu mas kam ausait nau. Yu stap yet aninit long lo olsem rop i pasim diwai.

Yu stap aninit long lo olsem na yu no save long dai bilong Jisas long diwai kros.

Wanem as bilong dai bilong Jisas. Brata olgeta Baibel teks yu givim em gutpela

tasol nogat wanpela teks kolim nem bilong de olsem Tunde o Fonde o Sarere o Sande, nogat. Olgeta Baibel teks yu givim em toktok long namba 7 de tasol. Na olsem wanem we yu save namba 7 de em Sarere?

Mi save lotu long Sande na olsem wanem bai mi tu save olsem 7 de em Sande?

Brata as mi tok yu stap aninit long lo yu lukim long Buk bilong Kisim Bek 35: 1-3. Namba 15: 32,33,36.

Brata yu lukim em strong lo bilong sabat. Yu inap long tru long liklik samting olsem noken kisim paiawut, noken laitim paia na noken wokabaut 1 minit.

Brata ples bilong mi i gat planti SDA manmeri. Tasol i no save bihainim dispela kain ol'lo bilong sabat.

As bilong dai bilong Jisas em olsem, em

i dai long brukim lo bilong sabat. Rom 3: 24; Rom 6: 18; Rom: 8: 2.

Olsem na yu lukim nogat lo long wok bilong God na tu olgeta de em i de bilong God. Stat long Mande i go long Sande. Yu yet makim wanem de wantaim God em yu yet.

God i stap long olgeta hap long wankain taim. Na tu em i stap long olgeta de long wankain taim. Jon 8: 31-32. Yu save long tok tru. Em nau tok tru bai mekim yu kamap fri na fri olgeta.

Em tasol ol gutpela Kristen man na meri.

WILLIE PIUS WEWAK IS SEPIK PROVINS

HIV/AIDS kempen na tok bilong God

Dia Edita,
Mi laik putim sampela tingting long Wantok Niuspepa long sik HIV/AIDS. Planti bikmanmeri na ol save manmeri i toktok planti na tu arapela poroman kantri i putim moa mani long stopim dispela sik bipo em kilim na pinisim olgeta manmeri long Papua Niugini. Yusim kondom long stopim sik AIDS i no ken kamapim planti moa, em tru yumi i ken yusim kondom.

Mi laik mekim wanpela tok piksa na yumi skelim: I gat wanpela hul bilong ston i stap em tambu tru long go insait. Wanpela man bin traim wokabaut insait long hul bilong ston ya em tudak tru na dispela man painim hat long ronawe na kam aut.

Insait long dispela hul bilong ston i gat planti birua i stap ol snek, bilak bokis, kapul, sapsap ston, pot hol, kol tru, wara na arapela kainkain binatang.

wokabaut aninit long wanpela klaut i go pas long ol.

Kainkain hevi ol i bin bungim, Moses tu bungim kainkain hevi long ol manmeri. God i givim planti samting long ol long dispela longpela rot.

Mi laik tokaut long wanpela samting i bin kamap long ol manmeri long dispela trip em: Moses i bin wokim wanpela snek bras na hangamapim long antap. Taim snek nogut bin kainkain ol, husat ol man o meri bin lukim snek bras ol bin orait na husat i no bin lukim o luktuk long snek bras ol i bin dai.

Tok em i stap long Baibel, sapos yumi laik go long Heven yumi mas bihainim tek mak bilong Jisas. Yumi laik i stap longpela taim long dispela graun yumi mas bihainim tok bilong papamama bilong yumi, ol sios lida, lapun manmeri.

PNG i no lukim gut kaikai bilong helpim long ovasis

Dia Edita,
Mi gat bel hevi olsem olgeta taim AusAID o foren aid i save kapsait long Papua Niugini tasol wok i no save pinis gut olgeta.

Sampela ol wok olsem Hailans Haiwe i no kam pinis long ol provins bilong Westen Hailans o Enga o Sauten Hailans. Em stop long Simbu provins, olsem wanem mani i pinis o lus?

Mi lukim olsem ol politisen i gat ol konstraksen kampani na kisim kontrak long wok long projek na mani i paol na lus.

Plis em bai gutpela moa long ol waitman i kam na wokim rot, bris, skul, haus sik o ol narapela wok. Maski mipela ol PNG, mipela save stil na paolim ol mani tumas.

MATT DEDEBOH HOLEYAH BANZ WESTEN HAILANS PROVINS

Loyd Robson Oval em olsem rabis dram

Dia Edita,
Mi laik salim dispela tok olsem Pot Mosbi Ragbi Lig (PRL) fit i tuk olsem wanpela setelmen pilai graun.

Pot Mosbi em bikpela siti bilong dispela kantri na olsem wanem na ol bos bilong PRL i no wokim wanpela gupela senis long fil.

Olgeta samting insait long fil i bagarap.

Ol bos i no luktuk long dispela na planti pipel nau les pinis long kam lukim ol manki pilai. Ol manmeri tro-moi o baim get long bikpela mani na kam sindaun insait na lukim gem, tasol nogat gutpela ptes bilong sindaun na lukim gem.

Sapos ol arapela kantri olsem Australia, Nu Silan, Englan, Frans ol kam pilai insait long Papua Niugini ol bai ting em wanpela pilai graun bilong ples.

Mi askim ol bos bilong PRL olsem 15 i go 20 yia pinis na i nogat wanpela senis liklik long Loyd Robson Oval.

Em olsem wanem tru? Olgeta Fraide, Sarere na Sande mani yupela i save kisim long geit i save go we?

Traim na wokim gutpela banis. Olpela rabis waia banis i stap em olsem banis bilong pik na dok, yupela yet luktuk long dispela ol nogat?

Putim gutpela toilet haus na wokim gutpela senis rum bilong ol pilai long waswas na senis.

Yupela ol bos i save luktuk long dispela tu o wok long pampim bia tasol na i no fit long ronim ragbi lig insait long Pot Mosbi siti.

TU MALI HOHOLA NCD

Bikpela tingting bilong dispela man em bel sut tru long lukim wanpela liklik lait i mas kamap long ai bilong em bai em i ken bihainim dispela lait na kamaut long tudak.

*Sapos man i les long painim lait insait long tudak em yu save wanem samting bai kamap long em? I gat planti birua i stap pinis insait long dispela hul long ston olsem na yu ken save olsem wanem samting bai kamap long dispela man? Yu ken pilim sapos em yu, bipo long yu go insait long dispela hap yu mas kisim kampas bilong yu, lait bilong yu long lukautim yu.

Yu mas save long wanem rot bai yu bihainim na bai yu bungim dispela lait na kamaut.

*Ol brata na susa, taim mi yet skelim dispela tok piksa, mi bin ting olsem: Moabeta mi i no ken i go insait long dispela hap nogut. Mi mas klia long dispela hap.

Em i wankain olsem man i salim em yet long maus bilong laion o birua. Yumi manmeri bilong PNG i save olsem yumi olgeta i kristen manmeri na yumi save tok olsem Kristen kantri. Tasol pasin bilong mangal, aigris, biknem em pas tru long yumi.

Yumi tingting na luktuk long tok bilong bikpela long taim bilong Moses ol Israel i bin lusim Isip na laik i go long Kanan wanpela hetman tasol bin go pas long ol em Moses, ol bin

MUNE LUPIONGA KABWUM MOROBE PROVINS

OL PAS

Salim pas i kam long **WANTOK** Niuspepa P.O. Box 1982, Boroko, PNG

WANTOK KOMENTRI

Givim bikpela sas long stil pasin

HEVI bilong stil na paulim mani insait long ol opis bilong gavman o mekim hait wok we i brukim lo i kamapim bikpela sik na bagarap long kantri. Planti pipel i no laikim dispela pasin na i ting wok bilong lo na oda bai strong long holim na kalabusim ol manmeri i stap insait long kain pasin olsem.

Somare i tromoi bikpela tok long ol polisman bilong mipela wantaim Australia polisman long wok bung wantaim na daunim sampela bilong ol dispela lo na oda hevi na kain hait na stil pasin olsem.

Em i klia pinis olsem ol gavman opisa yet i save stap insait long pasin bilong haitim na banisim ol sait bisnis na sait wok long go het maski ol i brukim lo. Na ol i save kisim sait mani long servis ol i givim.

Nau bai yumi bilip long husat man o meri long mekim stret wok bilong em bihainim lo na lukim ol pipel i kisim servis bilong ol stret?.

Pasin nau em sapos yu laikim pepa bilong yu i hariap, orait baim wanpela 6 peks o tromoi sampela wansiling bai mi mekim wok bilong yu hariap. Sapos yu brukim trafik lo, em orait sapos yu givim wanpela K5 o 6 peks em yu ken go.

Em nau kain pasin olsem i stap pinis long olgeta opis bilong gavman na tu long ol praivet bisnis tu. Olsem na wanem kain rot tru bai gavman i daunim dispela pasin.

Dispela em wanpela bikpela sik na gavman i mas go insait tru long as bilong en na sekim na klinim na daunim kain pasin olsem. Apim pe bilong ol wokman em wanpela rot tasol yumi no save long yusim gut mani.

Yumi save tromoi mani hariap tru na bai yumi sot long tumoro na stat long mekim hait na stil pasin long opis. Olsem na moabeta sas bilong gavman opisa i mekim hait o stil pasin olsem i mas bikpela tru.



JADA 07/10/04

Anglimp Saut Waghi na Simbu bai ileksen lukim sampela senis

Long glasim bilong 'PNG Transparency International Inc' long Anglimp Saut Waghi na Simbu bai ileksen, sampela gutpela samting i bin kamap. 'PNG Transparency International Inc' em wanpela grup i save glasim na toktok strong long stretim ol paul pasin insait long wok bilong gavman na tu long ol kampani. Dispela grup, opis bilong ol i stap long Pos Mosbi.

TOK PISIN wantaim PETER MAIME



Provins. Nau kempen bilong bai ileksen bilong Wabag Open long Enga Provins na Mosbi Not Is long Nesenel Kapital Distrik i ron yet i stap. Tupela ilektoret bihain ya, bai go long vot long pinis bilong dispela mun Oktoba.

Long wanpela ripot bilong Anglimp Saut Waghi na Simbu, 'PNG Transparency International Inc' i givim i go long PNG Ilektoret Komisin, i tok olsem ol votas i no bungim wanpela bikpela hevi long vot long dispela nupela ileksen sistem.

Dispela ripot i tok olsem ol votas, ol kandidate, ol ileksen opisals na ol polis i amamas long dispela nupela sistem bilong vot. Ripot i tok LPV i daunim ol kros na bel hevi namel long kandidate na ol sapotas.

Ripot tu i tok olsem ol kandidate i wok bung namel long ol yet na ol i larim ol narapela kandidate husat i resis

wantaim ol i go kempen long ples na haus lain bilong ol. Ripot i tok moa olsem dispela pasin i no save kamap bipo long hailans rijion.

Ripot tu i luksave long ol polis husat i bin helpim long dispela tupela bai ileksen. Em i tok olsem bikos bikpela grup bilong polis i bin stap long ileksen, ol votas i stap fri na vot gut.

Ripot tu i tok amamas long ol sinia ilektoret Komisin opisals husat i bin go klostu na sapotim ol wok bilong ileksen na tupela bai-ileksen i bin ron gut.

Long dispela baiileksen, Anglimp Saut Waghi i bin gat 30 kandidate na Simbu i bin gat 31 kandidate.

Wanpela bikpela asua 'PNG Transparency International Inc' i lukim em stap long Komon Rol buk bilong ilektoret Komisin. Ripot i tok, ilektoret Komisin i no stretim Komon Rol

bilong 2002 na ol namba bilong ol votas i winim namba i stap insait long 2000 Nesenel Populesen Sensus.

Long dispela bai-ileksen, 107, 141 i vot long Anglimp Saut Waghi. Long ol dispela vot, ol balot pepa i gutpela em 105, 948 na infomal o vot i bagarap em 1,193.

Long 2002, 129, 809 i vot long ileksen. Namba bilong populesen long Anglimp Saut Waghi Distrik long 2000 Nesenel Populesen Sensus em 96,570.

Long Simbu bai-ileksen, 342, 462 i vot. Ol balot pepa i gutpela em 341,060 na ol infomal vot em 1,402.

Long 2002, 443,618 i vot long ileksen. Namba bilong populesen long Simbu long 2000 Nesenel Populesen Sensus em 259,703.

Long Nesenel Populesen Sensus, ol i kaunim liklik pikinini mama i karim long taim bilong sensus i go long ol lapun manmeri. Ananit long ileksen lo, husat i gat 18 krisimas o moa i ken vot.

Ripot bilong 'PNG Transparency

International Inc' i tok tu olsem husat i bin winim 18 krisimas bihain long June 2002 Nesenel Ileksen i no stap long Komon Rol long vot long tupela bai-ileksen long May 2004.

Tu ripot i tok olsem husat i bin mauv aut long ilektoret o i bin dai, nem bilong ol i stap yet long Komon Rol.

Narapela samting 'PNG Transparency International Inc' i glasim long ileksen em, ol votas i no bihainim nem long Komon Rol na go vot. Ripot i tok olsem ol votas i lain ap na taim ol ileksen opisal i singautim nem, ol i go vot tasol.

Ripot i tok dispela pasin em ol i brukim lo bikos ol i no vot long nem bilong ol yet, ol i vot long nem bilong narapela man o meri.

'PNG Transparency International Inc' i tok strong long ripot bilong em olsem PNG Ilektoret Komisin i mas stretim Komon Rol long dispela tupela ilektoret na no ken larim ol votas i vot long nem bilong ol narapela manmeri long ol ileksen bihain.

WANTOK

Published Weekly, Wednesday, for Word Publishing Company, Ltd. P.O. Box 1982, Boroko, NCD Papua New Guinea Telephone: 325 2500 Fax: 325 2579 Email: word@global.net.pg

Pe bilong wanpela yia 52 niusepepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager Jeremy Burgess

Editor Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea- Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Lida em i wasman wantaim Jisas


John 10: 2-4. Long taim bilong Jisas i nogat banis waia long pasim ol sipsip na ol i save slip ausait tasol.

Taim wasman bilong sipsip i laik kisim ol sipsip long narapela hap, em i save bihainim em tasol. Olgeta sipsip i gat nem na taim wasman i singautim nem, ol i save kam.

Lida i mas go pas long ol sipsip bilong em

John 10:4 Olsem namba wan man bilong lukautim sipsip, Jisas, yumi tu mas go pas long ol sipsip. Yu no ken pulim em long bihainim yu.

Noken paitim ol na ronim ol. Yu mas go pas long ol na ol i mas bihainim yu.



OL PRINSIPOL BILONG GUTPELA LIDA wantaim Pastor na Evangelist OHARE JABERE

Bai yu go pas long ol wantaim trupela pasin olsem wanem?

John 12: 32 "bai ol i litimapim mi, na long dispela taim bai mi pulim olgeta manmeri ol i kam long mi"

Namba 21: 4-8 yumi lida i mas litimapim Jisas, dispela rot tasol i pulim man.

John 3: 14, 15 Lida bai i 'witness' long Jisas

Aposel 1: 8 Yu noken witness long yu yet. Pastaim yu noken witness long samting bilong graun nogat. Pastaim yu mas witness long Jisas. Litimapim em na soim ol pipel em inap long sevim ol. Taim ol i painim Jisas pinis orait nau ol i redi long bihainim yu.

2 Peter 1: 16; 1 John 1: 1,3 Man i no bin lukim wanpela samting, i no ken sanap na tok, mi witness long dispela samting nogat, em i mas lukim long ai

bilong em yet bipo em i kam trupela witness. Yumi lida man o meri i mas lukim Jisas long ai bilong yumi yet na pilim pawa na senis we Jisas i bringim. Orait nau yumi redi long givim tru witness long ol arapela.

Lida, laip bilong lida i mas witness long:

- Laip bilong en
- Toktok bilong en
- Pasin bilong en
- Famili bilong en
- Bisnis bilong en
- Skin bilong en (helt)
- Laplap bilong en

Taim olgeta laip bilong yu i stat long soim pasin bilong Jisas orait, ol man bai inap bihainim yu, yu olsem gutpela lida tru.

Prosperity Through Self Reliance

'Strongim wok Self Rilains'



Toktok bilong Minista bilong Edukesen, Hon. Michael Laimo Opening bilong Nesenel Edukesen Wik, 2004 long Wewak, Is Sepik Province Mande, Oktoba 4.

Mi amamas tru long toktok long dispela opening bilong Nesenel Edukesen Wik, 2004. Mi laik tok tenkyu long Seketeri Baki long askim mi long kam, na mi tok amamas long Dipatmen bilong Edukesen long makim Wewak, Is Sepik Provins long opim 2004 Nesenel Edukesen Wik.

Mi laik tok tenkyu tu long Siaman bilong Nesenel Edukesen Wik Ogenaising Komiti, Dokta Joseph Pagelio, Deputi Siaman, Oscar Iguarek na ol memba bilong ol nesenel na provin-sel ogenaising komiti long hat wok bilong ol long redi long dispela wik. Mipela mas paitim han long ol.

Taim dispela bikpela sindaun i kamap, i gat ol arapela opening seremoni i wok long kamap long ol arapela provinsel senta na long ol skul insait long kantri long luksave long dispela het tok long Nesenel Edukesen Wik program bilong ol.

Het tok bilong Edukesen bilong 2004 em "Prosperity through Self Reliance".

Mi tok tenkyu long Dipatmen bilong Edukesen long go pas long strongim wok self rilains na putim long nesenel plen. Mi amamas long wok wantaim dispela gutpela tingting we bai i helpim long kamapim gutpela sindaun wan bel isi bilong olgeta pipel bilong Papua Niugini.

Intanesenel De bilong ol Tisa

Nesenel Edukesen Wik long olgeta yia i save kamap long wankain taim olsem Intanesenel De bilong ol Tisa long Oktoba 5. Dispela bikpela de, we olgeta kantri long wol i save luksave long en i save luksave long ol tisa long bikpela hat wok ol i save givim long ol pikinini na kantri.

Ol tisa, mi tok tenkyu long yupela long olgeta wok yupela i save mekim.

PROSPERITY THROUGH SELF RELIANCE o Self Rilains i ken kamapim Gutpela Sindaun

Het tok bilong Edukesen long dispela yia em ol i makim bilong wanem em i bihainim polisi bilong gavman long rikavri na developmen na polisi bilong wok self rilains insait long ol skul.

Nesenel Konstityusen o Mama Lo bilong mipela i singaut long Integrel Humen Developmen o gutpela sindaun bilong wan wan na long Papua Niugini long strong long lukautim em yet taim em

i yusim ol samting insait long ol haus, skul na komyuniti bilong mipela insait long kantri.

Self Rilains em i pasin bilong mekim samting yu yet bilong skul bilong yu na komyuniti bilong yu.

Ol skul i ken mekim wok developmen taim ol i karimaut na skulim ol wok bilong lukautim ol yet.

Ol skul i mas wok na strongim self rilains insait long program bilong ol long tis na lainim samting long olgeta de na i no long Nesenel Edukesen Wik tasol.

Ol gavman i no inap mekim olgeta samting ol yet. Mipela i mas rausim dispela tingting bilong sindaun na wetim samting na skulim ol pikinini long pasin na save bilong wok hat na kisim samting bai ol i ken rere long laip bihain long ol i lusim skul. Nupela kurikulum o skul program i strongim wok self rilains bilong wanem ol sumatin i save lainim ol samting olsem groim ol kes krop, lukautim ol abus, mekim haus na sia, tebol samting, kuk, samapim klos na wok bisnis.

Em i save helpim ol sumatin long tingting na stretim ol hevi, na long luksave long strong bilong mekim mani na wok bung long komyuniti developmen.

Ol gutpela self rilains projek i save skeim ol skul baset, givim ol manmeri bilong wok, daunim hevi bilong skul fi ol papamama i save karim na i save rausim dispela pasin bilong sindaun na wetim samting tasol.

Pianti long ol skul bilong mipela i wok long mekim ol dispela kain projek we i save helpim ol long givim kaikai long ol sumatin, baim ol skul samting na stretim bek ol skul samting.

NESENEL EDUKESEN PLEN 2005-2014

Ol Minista i lukautim edukesen, mi amamas long hariap na givim Nesenel Edukesen Plen bilong 2005 i go long Nesenel Eksekutiv-Kaunsol (NEC) long dispela mun long kisim luksave bilong ol bai i ken stat wok long 2005.

Em bai luksave long besik edukesen, bihain bai em i lukluk long vokesenel na teknikel edukesen, literesi o save bilong rit na rait, distens edukesen, sekenderi na teseri edukesen olsem rot bilong Papua Niugini long bihainim long kamapim gutpela edukesen bilong bihain taim.

Ol pikinini bilong mipela em taim bihain bilong mipela. Mipela i mas givim sans long ol pikinini bilong mipela long go skul na stap long skul long namba 9-pela yia long skul bai ol i ken save long rit na rait na lainim ol laip skills bilong helpim ol long bihain taim.

Wanpela bikpela as tingting bilong plen em long apim namba bilong ol meri i stap long skul.

Dipatmen bilong Edukesen na United Nations Children's Education Fund (UNICEF) i wok bung wantaim long Accelerating Girls Education (AGE) projek long apim sans bilong ol meri na manki long go long skul na stap long skul. Mipela i tok tenkyu long UNICEF na ol arapela dona patna bilong mipela olsem AusAID na European Union long sapat bilong ol long kamapim moa divel-



opmen insait long edukesen long PNG.

Long pinisim toktok bilong mi, mi laik givim luksave long olgeta lain husat i bin wok rere long dispela bikpela de na olgeta arapela program i wok long kamap long olgeta arapela ples insait long kantri.

Mi laik givim bikpela tenkyu i go long ol tisa, sumatin na papamama long olgeta hap bai ol i ken kisim gutpela luksave long dispela wik na bai i helpim ol long strongim wok Self Rilains.

Tenkyu tru.

Hon. Michael Laimo CBE, MP
Minista bilong Edukesen

Tok pisin saplimen bilong WANTOK

'Bungim save long skulim ol yangpela'

Toktok bilong Seketeri bilong Edukesen, Peter Baki Opening bilong Nesenel Edukesen Wik, 2004 long Wewak, is Sepik Provins Mande, Oktoba 4

WELKAM long yupela olgeta husat i kam long lukim na amamas long dispela lonsing bilong Nesenel Edukesen Wik 2004. Nau yupela i kam long hia i soim luksave bilong yupela long edukesen insait long Papua Niugini.

Mi laikim yupela long tingting long olgeta samting we bai i kamap long Nesenel Edukesen Wik program na glasim mak bilong wok yu mekim long strongim edukesen.

Dispela kain skelim tingting em i gutpela bilong wanem Nesenel Edukesen Wik i givim luksave long gro na developmen bilong edukesen insait long kantri.

Nesenel Edukesen Wik 2004 Long Nesenel Edukesen Wik mipela i



• Seketeri bilong Edukesen Peter Baki

askim ol papamama na komyuniti bilong wan wan skul long promotim ol pikinini na edukesen. Em i givim sans long ol papamama long painimaut moa long edukesen bilong ol pikinini bilong ol na ol gutpela samting ol tisa i wok long skulim ol pikinini. Nesenel Edukesen Wik i givim sans long ol papamama long askim ol tisa na skul bod long edukesen na skul sistem. Het tok bilong eduke-


sen long dispela yia em "Prosperity through Self Reliance". Ol skul bai i gat ol open de, ol displei, ol paitim toktok o dibeit na ol arapela program bilong promotim edukesen na ol arapela samting i stap aninit long dispela het tok.

Intanesenel De bilong ol Tisa Intanesenel De bilong ol Tisa i save kamap long wankain taim olsem Nesenel

Edukesen Wik long Oktoba 5. Long dispela de, mipela i luksave long ol tisa na wok ol i mekim. Ol tisa, em bai hat tru long makim bikipela kontribusen o helpim yupela i givim long kamapim developmen name! long ol pikinini bilong mipela na kantri bilong yumi. Yupela ol bikipela lain tru bilong wanem yupela i save go pas long skulim na senisim otyanpela manmeri long kamap gutpela manmeri bilong bihain taim. Mi tok tenkyu long yupela.

Sel Rilains

Self Rilains em indipendens o sanap strong yu yet na i no kisim helpim long arapela. Dispela em i pasin bilong mekim samting yu yet na i no wetim gavman o ol wan famili long kam helpim. Sapos Papua Niugini i laik kamap gutpela strongpela nesen long stap long en, mipela olgeta i mas wok bung wantaim na bungim tingting na save. Het tok bilong Nesenel



• Ol yangpela sumatin i lainim kapenta bihain bai ol i go bek long ples na kirap wok bilong ol yet.

Edukesen Wik i singaut long mipela olgeta i mas wok bung wantaim na kamapim ol dispela pasin:
 • Mekim mani long stretpela rot;
 • Stap laip long mani mipela i mekim;
 • Holim sampela long dispela mani i stap;
 • Givim hap long dispela mani i go long arapela;
 • Na investim o putim sampela long dispela mani bai i ken mekim moa mani.

papamama na ol komyuniti long askim: Ol dispela samting bai helpim mi long laip? na Bai ol dispela samting i helpim mi long save long mekim mani long taim bihain? Olsem na pasin bilong givim skul na lainim samting i mas go het yet na i mas helpim manmeri. Sapos em i helpim, bai ol i ken yusim bilong wanem em bai klia long lain husat i skul. Aninit long ol senis i kamap long kurikulum, ol sumatin i lainim ol nupela samting we bai i helpim ol long laip bilong ol na long mekim mani bilong helpim famili, komyuniti na nesen long bihain taim. Save long rit na rait em i bikipela samting bilong wanem taim mipela inap long rit na rait, na lainim ol namba, na ol laip skils, mipela bai inap long painim rot bilong strefim laip bilong mipela, ol famili bilong mipela na komyuniti. Edukesen em i bikipela samting long strongim wan wan manmeri na developmen bilong kantri. Ol meri i mas i gat wankain sans olsem ol man long go long skul na wok insait long skul. Maski mipela i apim namba bilong ol meri insait long skul, mipela i mas mekim moa insait long sam-

pela provins. Mipela i luksave long sapot i kam long United Nations Children's Education Fund (UNICEF) long Accelerating Girls Education (AGE) projek. Ol wok painimaut i soim olsem givim skul long wanpela meri bai i helpim moa taim bihain bilong famili bilong em, komyuniti na kantri tu. Long pinisim toktok bilong mi, mi laikim bai olgeta pikinini na tisa insait long olgeta skul long luksave long dispela wik taim yupela i karimaut ol program bilong ol skul bilong yupela. Mi laikim ol papamama, was papamama na ol arapela tain insait long edukesen long wok bung. Mi laik givim luksave tu long halivim i kam long gavman bilong mipela, ol bikipela patna olsem AusAID, European Union na ol arapela olsem ol sios na NGO, ol skul, ol papamama na komyuniti. Mi laikim bai yupela olgeta i amamasim dispela Nesenel Edukesen Wik. Yumi olgeta i mas wok bung wantaim long strongim wok self rilains aninit long edukesen olgeta taim. I no long Nesenel Edukesen Wik tasol.

Peter M Baki CBE Seketeri bilong Edukesen

Yusim edukesen long strongim Self Rilains
 Pasin bilong skul em i save stap inap yumi dai. Olsem planti man i save tok, edukesen i save stat long taim mama i karim na i save pinis taim mipela i dai. Long mekim gutpela laip, man i mas skul. Pasin bilong skul i save bihainim gutpela tingting long ol samting ol manmeri i save mekim na ol bikipela askim olsem: Em wanem samting? Samting ya i wok olsem wanem insait long laip bilong mi? na Mi inap long kisim wanem long dispela samting? Long sait bilong givim skul, dispela kain ol askim i save strong moa. Long wankain samting, Nesenel Edukesen Wik em i sans bilong ol skul, ol



• Ol Sumatin bilong Sekenderi skul i wok long gaden.

Highland Lutheran International School
 P.O. Box 363 Wabag, Enga Province

Excellence In Education
Guided by the Gospel of Jesus Christ

Pre-school to Grade 12
NOW Registering for 2005

Phone: 547 1082 Fax: 547 1235

Email: bkilback@online.net.pg

Website www.hlischool-png.org

Strongim wok divelopmen insait long edukesen

NESENEL Edukesen Wik i save kamap long olgeta yia long luksave long olgeta wok divelopmen i kamap insait long edukesen bihainim het tok bilong edukesen long wan wan yia.

Dispela het tok bilong edukesen i makim olgeta wok i kamap long edukesen edministresen, of polisi gaitlain o stia wok we i save kamap insait long olgeta skul na divisen bilong edukesen insait long nesenel edukesen sistem.

Het tok bilong 2004 Edukesen em Prosperity Through Self Reliance o 'Gutpela sindaun kamap long self rilains'.

Dispela em i namba wan kempen we Dipatmen bilong Edukesen i kisim bilong mekim olgeta skul i kamap self rilain o bai ol i ken lukautim ol yet aninit long polisi bilong Gavman long Rikavri na Divelopmen.

Aninit long dispela polisi bilong gavman, wanpela long ol bikpela as tingting bilong Edukesen Dipatmen em bilong kamapim wanpela edukesen sistem we bai inap long givim skul long ol pikinini bai ol i ken go bek long ples na kamap ol gutpela manmeri husat inap long kirapim divelopmen long ples bilong ol. Ol rot bilong bihainim long givim dispela kain skul long ol yangpela i stap pinis long olgeta skul.

Opnen long ples bilong ol. Ol dispela kos em agrikalsa, prektikel skills, hom ekonomiks, at na kraf na hospitaliti.

Wanpela wok painimaut we i bin kamap long 2002 i soim olsem i gat 144 praimer o komyuniti skul, 77 vokesenel senta, 103 provinsel hai skul na 37 sekendri o nesenel hai skul husat i wok long givim skul long ol dispela wok self rilains.

AGRIKALSA

Wok agrikalsa em i laip lain bilong ol manmeri i stap long ol ples o rurel erias insait long Papua Niugini.

Em i wanpela samtling we i wok long kamap insait long planti skul.

Ol namba i soim olsem 21.3% bilong ol dispela self rilains program bilong ol skul i sanap long agrikalsa.

Ol skul i wok long groim ol kumu, ol prut, ol taro, na poteto bilong kaikai insait long haus kaikai bilong ol boding skul.

Ol dispela gaden kaikai we ol sumatin i no kaikai, skul i save salim long ol maket.

LAIPSTOK

Laipstok em ol animai o abus ol i lukautim long ol skul fam. Ol dispela abus em bul makau, meme, sipsip, kakaruk na ol rebit.

Ol dispela abus i save givim ol samtling olsem pres mit, abus, pres susu na sis long ol skul.

Ol dispela samtling we skul i no save yusim ol i save salim long maket. Dispela program i bikpela long ol skul insait long Hailans na Niugini Ailans.

POULTRY O LUKAUTIM KAKARUK

Wok poltri o lukautim kakaruk na pato bilong kisim kiau bilong ol o mit i halivim ol skul long skelim abus kaikai bilong ol.

Samting olsem 11.9% long olgeta skul insait long kantri i wok long mekim dispela wok. Ol skul insait long Hailans na Niugini Ailans rijon i go bikpela long ol projek bilong lukautim kakaruk.

KENTIN O SKUL STUA BISNIS


Kentin o skul stua bisnis em i wanpela isi self rilains program we i

ol skul i wok long mekim we ol i save salim ol stua kaikai na samtling long komyuniti i stap long skul. Ol dispela skul stua bisnis i bikpela long Momase rijon.


As tingting bilong dispela program em bilong givim sevis na long wankain taim, givim ol sumatin sampela ekspiriens long menesim ol tred stua na yusim save bilong ol long buk kiping. Dispela program i karamapim 9.4% long olgeta self-rilains skul wok.

Ol skul inspekta i save glasim mak bilong ol dispela kain wok self rilains we i save kamap insait long skul sistem.

Lukautim kau, sipsip na got



Wokim Gaden



Lukautim Kakaruk



PJB RAIT SCHOOL SUPPLIES LTD

P.O. BOX 548, PORT MORESBY

PHONES: 323 2020, 325 1441 FAXES: 325 1441, 326 2249

LOCATION: PASUWE PLES, KENNEDY ROAD, GORDON.

WE SELL

SCHOOL TEXTBOOKS
LIBRARY BOOKS
GENERAL STATIONERY
PHOTOCOPY PAPERS
and
COMMERCIAL PRINTING

**YOU'VE TRY THE REST,
TRY THE BEST**

Strongim edukesen bilong ol meri insait long PNG



• Ol meri sumatin i lainim we bilong kuk long home ekonomi klas.

EDUKESAN em i bikipela samting long kamapim gutpela laip na sindaun bilong olgeta pikinini na olgeta manmeri. Tasol sapos mipela i lus tingting long ol meri, mipela bai no inap long mekim planti bikipela wok long bihain taim.

Givim skul long ol meri i save karim planti gutpela kaikai bilong komyniti bilong ol yangpela tete na long

taim bihain tu, tasol planti ples manmeri insait long Papua Niugini we inap long 70 pesen bilong kantri i no luksave long dispela. Sampela gutpela kaikai i kam long skulim ol meri em; ol pikinini em i karim bai inap stap laip; ol bai kisim gutpela kaikai na gutpela skul. Em bai mekim moa wok long haus na inap long kisim moa mani long wok ples. Em bai inap

long banisim em yet long ol sik nogut olsem HIV/AIDS na em bai inap long mekim moa wok long komyniti, ikonmik na politiks long laip bilong em.

Long givim luksave long ol dispela samting, UNICEF i wok bung wantaim ol gavman na komyniti grup long kamapim dispela '25 by 2005 Girls Education Campaign' long strongim wok bilong em



• Lainim ol yangpela meri long wok em bikipela samting

long givim skul long olgeta pikinini. Papua Niugini em i

Hailans, Morobe, Madang na Is Sepik. Bihain bai dispela pro-wanpela long ol dispela grem i go aut long ol

unicef Accelerating Girls Education (AGE) in Papua New Guinea

Education is vital to ensuring a better quality of life for all children and a better world for all people. But if girls are left behind, those goals can never be achieved.

Educating girls yields spectacular social benefits for the current generation and those to come but many villagers in Papua New Guinea, which comprise 70 percent of the total population, are not convinced about this. Some of the benefits of an educated girl are; the children she does have will be more likely to survive; they will be better nourished and better educated. She will be more productive at home and better paid in the workplace. She will be better able to protect herself against HIV/AIDS and to assume a more active role in social, economic and political decision-making throughout her life.

In realizing this need UNICEF in partnership with Governments and civil society, launched the '25 by 2005 Girls' Education Campaign' in 2003 to accelerate its ongoing efforts towards the world's commitment of educating every child.

Papua New Guinea is one of these 25 countries and is the only one in our region because the status of girls' education is poor. Many girls in PNG do not enroll in schools due to cultural, social, economic and other factors and

those that do enroll drop out of school for various reasons. One of the main problems is that of school fees.

Many parents are not supporting the education of girls. Thus, the campaign in Papua New Guinea focuses on getting most of the school-age girls into school and retaining them until they complete their primary education.

The Accelerating Girls' Education (AGE) initiative of the National Department of Education and supported by UNICEF is a step forward aimed at getting more girls into schools, ensure that they stay in school and that they are equipped with the basic tools they need to succeed later in life.

The AGE program is part of the Government's on-going efforts to ensure every girl and boy exercise their right to an education and promote gender parity, a major concern in Papua New Guinea.

The program is piloted in six provinces (WHP, Simbu, EHP, Morobe, Madang and East Sepik) and will be extended to other provinces subsequently. The results so far are impressive. About 85 percent of the total numbers of girls who have left school this year have returned to school.

Advocacy and awareness campaigns through various media outlets and through our partners, districts and school authorities and Provincial AGE

Committees are proving successful. Focus group discussions have identified a lot of problems faced by girls, mostly in remote districts and these kinds of information have helped the AGE Team to design specific strategies and activities to break through some century old barriers which may otherwise be difficult.

The positive responses from the communities so far are clear testimonies of the realization of the need for equal participation in education and in the development of the community and the country as a whole.

With girls' education as one of its priorities, UNICEF is supporting the National Department of Education, other government entities, the churches and a range of other partners to achieve robust and sustainable gains in gender parity in primary education in the country.

And by this the benefits of education will be passed from one generation to the next, the futures of those that follow will be much brighter too and in the end benefit the country as a whole.

Dr. Joe Pagelio
Chairman - Accelerating Girls' Education Committee.



• Ol sumatin meri wok long skul gaden bilong ol.

25 kantri i wok bung wantaim UNICEF na wanpela tasol insait long Pasifik bilong wanem skul bilong ol meri i nogut tru. Planti meri insait long PNG i no save go skul long ol kain kain samting olsem kalsa, sosol, ikonmik na ol arapela samting. Planti long ol meri husat i save enrol long skul i save lusim skul gen long kain kain as. Bikipela hevi we ol i save lusim skul long en em skul fi. Planti papamama i no save sapotim skul bilong ol meri. Olsem na kempen insait long Papua Niugini i lukluk strong long kisim planti long ol yangpela meri long go insait long skul na holim ol long skul inap ol i pinisim praimer i edukesen bilong ol.

Accelerating Girls' Education (AGE) program bilong Nesanel Dipatmen bilong Edukesen we i kisim halivim long UNICEF nau em i wanpela program we i lukluk long kisim moa meri i go long skul, holim ol i stap long skul na givim ol save bai ol i ken kamapim gutpela sindaun bihain long laip.

AGE program em i stap aninit long wok bilong gavman long luksave long olgeta meri na manki i gat rait long edukesen na bai i ken promotim wankain sans bilong manki na meri wantaim. Dispela em i bikipela hevi insait long Papua Niugini.

Dispela program nau i kamap insait long 6-pela provins - Westen Hailans, Simbu, Isten

arapela provins tu. Program nau i wok long karim gutpela kaikai. Samting olsem 85 pesen bilong olgeta meri husat i lusim skul long dispela yia i go bek long skul. Ol bikipela wok aweanes i kamap long niuspepa na radio na aninit long ol distrik na skul atoriti na ol Provinsel AGE Komiti i wok long mekim gutpela wok. Lukluk bilong ol dispela kain paitim toktok i wok long painimaut planti hevi ol meri long ol ples i save bungim. Dispela kain samting i save helpim AGE tim long kamapim ol program bilong rausim ol banis we i save stopim ol meri long skul bipo. Gutpela bekim i kam long ol komyniti i soim olsem i-mas i gat sans bilong olgeta long edukesen na insait long developmen bilong komyniti na kantri tu. Edukesen bilong ol meri em i wanpela bikipela samting long UNICEF olsem na em i wok long sapotim Nesanel Dipatmen bilong Edukesen, ol arapela gavman ejensi, ol sios na ol arapela patna long kamapim gutpela wok long sait bilong praimer i edukesen insait long kantri.

Sapos dispela i kamap, ol kaikai bilong edukesen i ken go long wanpela lain manmeri na i go daun long ol arapela husat bai bihainim skul bilong ol na karim kaikai bilong kantri.



Dokta Joe Pagelio
Siaman - Accelerating Girls' Education (AGE) Komiti

Parents participation in their Catholic Education

Saint Joseph's International Catholic School - the School of Faith and Family is an independent Catholic Primary School, (Pre School to Grade Eight) that is owned by the Catholic Archdiocese of Port Moresby. The School operates within a framework of a vibrant, dynamic School Board established by the Archdiocese Catholic Education Agency.

An enrolment of 610 students. St. Joseph's is continually encouraging the parents of the students to participate in their child's education. This has been done this year at St. Joseph's by regular parent/teacher meetings, parent/teacher interviews.

Daily contact with parents through the Students Home Diary is another very useful and vital link with parents. St. Joseph's believes it is of the greatest importance that school and parents must work and cooperate in close partnership. St. Joseph's has nominated this partnership as an urgent priority. Far too easily can parents be left out of the educational equation. Parents are very much part of the Christian Life Program of the School.

By enrolling their child at Saint Joseph's, parents have made a wise investment and expect a benefit as a result of their investment.

As teachers we should recognize that parents of a strong united family can be well positioned not only to give support to their child in difficulties but also to build strong characters in their children from the earliest years.

The early years are the most important. As teachers we have a line into hundreds of homes. In fact we are ideally situated to access families.

We can therefore deliver support to parents and create support networks for parents. We who lead schools can decide we already have enough to do, or we can take up the challenge.

There is practically no parent who does not wish to be the best father or mother he or she can be. As educators at St. Joseph's, we support and share with parents the all-important crucial responsibility of educating and

caring for their children, assisting them to realize their future destiny as Christian Citizens and Leaders of Papua New Guinea.

At Saint Joseph's we care about the children, not just their education. The School has built a strong reputation on caring for every aspect of children's well being - body, mind and spirit. At St. Joseph's we are deeply concerned in the all-round development of children.

In addition to a strong academic program students are offered a wide, diverse range of cultural, sporting, community and spiritual opportunities which enables the children to graduate with foundations of vision, integrity, understanding, compassion, tolerance, cooperation, honesty and prayerfulness.

Choosing the Right School for your children is so important. A school where students pursue individual growth. A school that encourages personal endeavour and the development of talent in academics, sport, arts, based on Christian values - gospel values. A school that respects individual differences but expects everyone to uphold a philosophy of care, respect and tolerance. St. Joseph's is just that school.

A School of Faith and Family with a balanced education. An education which will guide students to progress towards the attainment of their full potentials as individuals and valued members of society.

Top schools are a source of inspiration. Great schools are the results of great teachers whose commitment as Educators develops an inclusive school culture of learning.

Every week is Education Week at St. Joseph's. We celebrate Education Week forty times during the year. We are open everyday -never closed because of water, electricity, teachers failing to turn up for duty.

At St. Joseph's, we want parents to realize their dreams of Catholic (Christian) Education for their children.

CATHOLIC EDUCATION

What can you expect to see in a Catholic School?

- + children being educated in the faith and traditions of the Catholic Church
- + happy children and staff
- + an environment that is caring and peaceful
- + committed and caring staff
- + effective religious education programs
- + prayer and liturgical celebrations
- + attention to children with special needs
- + children who question "Why?" and "How?"
- + innovation
- + professional staff
- + quality in all learning areas
- + constant evaluation

STAFF WITH COMMITMENT

Commitment and dedication are the words that come to mind when one thinks of the staff in Catholic Schools.

Called to share their Christian lives with others they believe and live out to the best of their ability the values, messages and ideals that they are teaching.

Professionally trained, they recognize the need for constant professional and spiritual development so that they are conversant with curriculum changes and innovations in education. Most importantly, there is a great sense of care for each child as teachers work with parents to develop the potential of every child in their class.



CATHOLIC PRIMARY EDUCATION PORT MORESBY

Parents

This is a personal invitation

For residents of the Capital City To experience Catholic Education at its best.



Opportunities for your child to succeed



Educational Programs diverse and innovative



Some recent Highlights and Achievements



Consistently high examination results



ENROLLING NOW FOR 2005 PRE SCHOOL TO GRADE EIGHT

Some vacancies exist for students of other Christian faiths. We are proud to assist in the education of your children.

Contact:
Mr Peter Mays,
Principal
St. Joseph's International
Catholic School
PO Box 5784 BOROKE, NCD
Telephone: 325 3773;
Fax: 325 3237;
Email: joseph@daltron.com.pg

Ol skul i mekim wok self rilains

SEKENDRI Inspeksens Yunit bilong Edukesen Dipatmen i ripot olsem i gat sampela sekenderi skul husat i wok long kamapim gut dispela program bilong self rilains.

Wesley Hai Skul laik kamap speselis agrikalsa skul

Insait long Sauten rijon, Wesley Hai Skul long Milen Be Provins i wok long go pas long strongim agrikalsa faming namel long ol sumatin bilong em.

Wesley Hai Skul bai kisim teknikal halivim i kam long Dipatmen bilong Agrikalsa na ol arapela agrikalsa ejensi bilong strongim self rilains program bilong em.

Wesley Hai Skul i gat 462 sumatin na 24 tisa, na ol i lukluk long kamapim agrikalsa olsem wanpela ko o bikpela skul program insait long skul kurikulum bai ol i ken helpim ol sumatin bilong ol long redi long laip bihain long ol i lusim skul.

I gat wanpela Memorandum of Understanding o MOU namel long Wesley Hai Skul na Dipatmen bilong Agrikalsa na Laipstok (DAL) we i opim rot bai program i ken go het.

Aninit long dispela MOU,

DAL na Wesley Hai Skul bai wok bung wantaim ol arapela stekholda bilong kari-maut nesenel sekyuriti program bilong kaikai na long kirapim ol arapela agrikalsa projek tu olsem risos infomesen senta.

As tingting bilong dispela agrimen em long promotim o strongim wok bilong kaikai prodaksen bihainim ol gutpela wok faming, strongim sekyuriti bilong ol kaikai bilong haus na daunim hevi bilong nogat mani na nogat gutpela kalkai, opim tingting long groim kaikai na abus na givim skul long ol sumatin.

Ol program bai karamapim ol gaden baksait long haus, sanapim ol liklik bisnis projek, sanapim ol senta bilong tiim ol pikinini kaikai o sid na ol liklik pikinini abus we ol inap long givim trening long ol fama. Hetmasta bilong Wesley Hai Skul, Mista Sakiusa i tok skul bilong em we i save

kisim ol gred 9 na 10 sumatin i laik apgredim o senisim i go long sekenderi skul bilong kisim gred 11 na 12. Em i tok Wesley Hai Skul i klostu kamap wanpela speselis agrikalsa skul.

Em i tok skul i bin kirapim agrikalsa program long skolim bikpela namba bilong ol sumatin husat i save lusim skul olgeta yia.

Wesley Hai Skul bai traim long strongim agrikalsa skul program bai ol i ken halivim ol sumatin long lainim moa long agrikalsa bai ol i ken redi long laip insait long ol ples bilong ol sapos ol i no inap painim wok o go skul long yunivesiti.

Bikpela hap long dispela program em long skolim ol long ol besik faming teknik bai ol i ken sindaun gut long ples. Skul nau i lukluk long kamapim ol gutpela gaden kaikai, ol liklik abus olsem rebit, sipsip, groim rais na bai ol i lukluk tu long vanilla, kakao na kokonas.



• Kain trening olsem long ol teknikal skul i ken halivim ol sumatin taim ol i lusim skul

Mongop Hai Skul strong long lukautim kakaruk

MONGOP Hai Skul long Nu Ailan provins i gat ol self rilains projek we i wok long go het long sait bilong lukautim kakaruk, wok gaden na groim ol kes krop.

Skul i gat samting olsem 100 abus kakaruk na ol i wet nau long kisim sampela moa. Long sait bilong ol gaden kaikai, ol i planim ol gaden kaikai olsem ol kumu,

banana, tapiok, singapo na kaukau.

Long sait bilong kes krop, ol i groim 100 vanilla na 2,500 set diwai bai ol i redi long planim namba tu raun bilong vanilla. Ol i tok ol i planim pinis 6,000 kakao diwai.

Nau Mongop i lukluk long kisim ol save-man bilong OISCA long Is Nu Briten long helpim ol long groim rais.

Bumayong groim rais bilong ol yet

Bumayong Sekenderi Skul long Morobe provins long las yia i bin groim inap rais bilong olgeta sumatin inap long wanpela skul tem olgeta. Na pas-taim long skul i bruk long Krismas, ol i planim sampela moa.

Bumayong Sekenderi i gat bikpela hap graun we inap long groim planti samting.

Wok long klinim graun long redi bilong ol projek bilong ol sumatin nau i wok long go het gut.

Laipstok projek bilong skul i karamapim wanpela pigeri, lukautim kakaruk, lukautim

bulmakau. Rebit faming long klostu taim bai ol i statim. Ol dispela em ol liklik projek bilong skulim ol sumatin.

Long sait bilong groim gaden kaikai, Bumayong Hai Skul i kisim pinis rais na tapiok las yia.

Painap na banana em bai ol i stat long groim long dispela yia long redi long neks yia. I gat bikpela hap graun i stap long kisim moa mani bilong halivim laipstok program bilong ol na long sanapim ol agrikalsa projek long sait bilong groim ol kes krop.

Wan wan hap gaden bilong ol sumatin i gat ol kain kain gaden kumu tu bilong ol sumatin bilong kaikai.

Ol buk bilong skul i soim olsem skul i gat inap long K3479 gaden kaikai.



• Ol sumating i wok gaden.

Malaguna Tek go pas long wok kapenta bilong helpim ol yet

Long Malaguna Teknikel Hai Skul long Is Nu Briten, olgeta tisa, sumatin, Bod ov Gavanas na papamama i luksave long self rilains olsem wanpela bikpela samting bilong helpim skul.

Wok bilong painim mani long kari-maut ol wok self rilains i ron gut na ol papamama i go pas long kari-maut mentenens long ol haus bilong ol tisa. Teknikel dipatmen i bin go pas wantaim ol dipatmen bilong wok kapenta, metel woks, CPT na moto mekenik. Nau ol dispela projek i go het.

Mentenens wok ol sumatin na wok manmeri bilong skul i pinis long

sanapim ol nupela lain bilong hangamapim klos, mentenens wok bilong olpela staf rum bilong mekim wok taipis na kompyuta, na sampela wok mentenens long ol haus bilong ol wok manmeri.

Ol arapela wok we i wok long go het em sanapim bilong storum na sains klasrum, na stretim bilong tupela haus bilong ol boda sumatin na liklik haus sik bilong ol sumatin.

Malaguna Teknikel Hai Skul i tokaut olsem em i kisim liklik mani long ol samting ol i salim long ol projek bilong CPT, Kapentri, Metel wok na kentin. Ol mekenik i sevisim ol kar wantaim liklik pei bilong em, na nau ol

i wok long stretim bek wanpela 15-sita bas bai ol i ken yusim olsem wanpela PMV bas long taun.

Kaunsol i makim ol summatin (SRC) i wok long go pas long fan-resing bilong ol yet tu long sanapim wanpela wara kula bilong ol yet.

Olgeta dispela samting em ol sumatin yet i wok hat long en olsem hap bilong ol samting ol i lainim long skul.

Long arapela sait tu, skul i save kisim mani taim em i save hairim ol samting bilong skul olsem ol klasrum, spots fil na haus kaikai i go aut long pablik sapos ol i laik yusim long taim bilong skul i malolo.

Self rilains projek sapatim Brahman Hai Skul

Self rilains i go pas yet olsem bikpela program we i sapatim wok bilong skul na dispela i wok long kamap wantaim halivi bilong ol sumatin, ol tisa, na skul komyuniti.

Ol self rilains projek i wok long kamap strong we i samting i wok long kamap long pinis bilong las yia.

Samting olsem 14-pela 50kg bek rais we ol i bin kisim

long stat bilong dispela yia nau i redi long go long mil. Ol i planim pinis tupela hekta rais, tupela hekta kaukau, wanpela hekta aibika, tapok na pamken.

Wan wan hap gaden bilong ol sumatin i gat ol kain kain gaden kumu tu bilong ol sumatin bilong kaikai.

Ol buk bilong skul i soim olsem skul i gat inap long K3479 gaden kaikai.

Nogat mak long hat wok bilong ol tisa

Toktok bilong Siaman bilong Teaching Service Commission, Alan C. Jogioba
Opening bilong Nesene! Edukesen Wik
Mande Oktoba 4, 2004

MI AMAMAS tru long givim dispela liklik toktok long Intanesene! De bilong ol Tisa long Tunde namba 5 de bilong mun Oktoba we i namba tu de bilong Nesene! Edukesen Wik.

Minista bilong Edukesen, Hon. Michael Laimo i lonsim pinis Nesene! Edukesen Wik long Wewak, Is Sepik provins long Mande, Oktoba 4.

Taim Minista i lonsing Nesene! Edukesen Wik long Wewak, i gat ol arapela opening tu i wok long kamap long Taurama insait long Nesene! Kapitel Distrik na long ol arapela provinsel senta na ol skul insait long kantri long luksave long het tok "Prosperity through Self Reliance".

Mi tok tenkyu long Minista bilong Edukesen, Hon. Michael Laimo na Seketeri bilong Edukesen, Peter Baki long go pas long promotim na strongim Self Rilains na long putim i go insait long program bilong kantri. Mi amamas long wok wantaim dispela program we bai i helpim long kamapim moa developmen.

Tok welkam i kam long olgeta manmeri i lukim na i amamasim lonsing bilong Nesene! Edukesen Wik 2004 long Wewak, Taurama na ol arapela provinsel senta. Yupela i soim olsem yupela i luksave long Self Rilains na i no dis-

pela pasin bilong wetim Gavman long mekim samting, maski yu papamama, lida bilong komyuniti, lida bilong sios o memba bilong palamen, sumatin o tisa, long lukluk long wok yu mekim long skul, edukesen dipatmen, developmen long distrik bilong yu, provins na kantri.

Intanesene! De bilong ol Tisa

Intanesene! De bilong ol Tisa i kamap long namba 5 de bilong mun Oktoba namel long Nesene! Edukesen Wik. Long dispela bikpela de we ol manmeri long olgeta hap long wol i save luksave long en, mi laik luksave long ol tisa long bikpela wok ol i mekim long helpim ol pikinini na kantri bilong yumi.

Mi tok tenkyu long moa long 35,000 tisa i stap insait long kantri. Ol tisa, mipela i no inap long makim bikpela wok yupela i mekim long developmen bilong ol pikinini bilong mipela, ol skul, ples, distrik, provins na nesene.

Ol tisa, yupela ol bikpela lain tru na yupela i mas soim gutpela pasin long ol yangpela.

Dispela wok bilong skulim na kamapim ol yangpela manmeri long kamap gutpela manmeri long

Papua Niugini i gat 5.2 milien manmeri. Hap o 50% long ol dispela manmeri em ol man, na 50% em ol meri. Ol namba i soim olsem insait long sampela provins, ol meri i nogat wankain sans olsem ol man long go long skul.

bihain taim em i bikpela wok tumas.

Ol tisa, mi laikim bai yupela i lukluk bek long mak bilong wok



• Givim ol yangpela moa save bai ol i ken lukautim ol yet.

yupela i mekim long strongim self rilains.

Maski yupela i stap long wanem level yu tis long em, elementeri, praimer, sekenderi, vokesene!

kamapim developmen insait long ples bilong em?

Ol tisa, yupela i ken sekim dispela na lukim sapos ol dispela self rilains save yupela i skulim ol

Tingim dispela toktok, 'givim skul long wanpela meri, na yu givim skul long wanpela kantri!'

Wok aweanes bilong HIV/AIDS

Ol tisa, yupela i save go pas long skul na komyuniti. Yupela i ken kamap ol rol modol o ol lain we ol yangpela i ken wok bihainim long sait bilong gutpela pasin.

Yupela i mas i gat taim bilong skulim ol pikinini, ol manmeri long ol ples na komyuniti long HIV/AIDS dispela sik nogut i wok long bagarapim kantri bilong yumi.

Yu ken skulim ol self rilains save long ol sumatin, tasol ol i no inap long karim dispela save na yusim long haus na ples bilong ol sapos ol i sik.

HIV/AIDS i wok long bagarapim ol yangpela namel long 15 na 34 krismas. Nau yet i gat 25,000 manmeri wantaim HIV/AIDS insait long PNG na namba bilong em i wok long go antap long samting olsem 30 pesen long wan wan yia. Sapos mipela i no luksave long dispela hevi, long 5-pela yia antap, bai i gat 1.5 milien manmeri i kisim dispela sik nogut insait long PNG.

Teaching Service Commission i save olsem 3-pela tisa i bin indai long HIV/AIDS long dispela yia. I mas i gat ol arapela we mipela i no save long ol yet.

Olsem na yupela i mas was gut na tokim ol sumatin na ol yangpela long noken mekim paul pasin pastaim long ol i marit. Noken promotim pasin nogut pastaim long ol i marit na bihainim gutpela pasin.

Long pinisim toktok, mi laik tok amamas long olgeta tisa, sumatin, papamama na manmeri bilong pablik long amamasim Nesene! Edukesen Wik 2004.

Mi laik tok tenkyu na givim bikpela luksave long moa long 35,000 tisa i stap wok insait long PNG long hat wok bilong ol long skulim ol pikinini bilong mipela.

Alan C. Jogioba
Siaman - TSC



• Yumi mas givim sans long ol meri i kisim gutpela edukesen. Sampela hap long provins ol meri i no gat sans long go skul.

tisa koles, teknikel na bisnis koles, wanem gutpela program yupela i givim skul long en long helpim ol yangpela pikinini long kamap self rilains?

Yu givim helpim long skul, ples distrik o provins olsem wanem tru?

Self Rilains i ken kamapim gutpela sindaun

Het tok bilong Nesene! Edukesen Wik long dispela yia i sapotim polisi bilong gavman long Rikavri na Developmen wantaim polisi bilong self rilains insait long ol skul.

Em i sapotim tu nesene! konstityusen o Mama Lo we i save singaut long Integrel Humen Developmen na long Papua Niugini i mas strong long lukautim em yet long sait bilong mani na politiks. Dispela i ken kamap sapos mipela i yusim save i stap insait long komyuniti na kantri.

Insait long klasrum, ol skul tisa i ken skulim ol sumatin long mekim mani bilong helpim skul. Ol gutpela lida, menesa tisa inap long mekim dispela.

Tasol sapos ol sumatin i lukim tisa i paulim mani we ol i mekim long ol self rilains projek olsem ol fam, ol liklik skul kentin o mekim ol sia na tebol, dispela bai bagarapim tingting bilong ol. Mi salensim olgeta tisa long yusim na menesim gut mani.

Ol sumatin inap long yusim ol dispela self rilains save ol i lainim long skul i go long ples?

Na bai yu inap makim olsem wanem? Ol sumatin i save yusim ol samting ol i lainim long skul long

sumatin long en i wok long karim gutpela kaikai long ol ples o inait long komyuniti. Ating dispela em i bikpela salens bilong mipela long taim bihain.

Accelerated Girls Edukesen

Papua Niugini i gat 5.2 milien manmeri. Hap o 50% long ol dispela manmeri em ol man, na 50% em ol meri. Ol namba i soim olsem insait long sampela provins, ol meri i nogat wankain sans olsem ol man long go long skul.

Ol manki i save gat moa sans long ol meri.

Ol tisa, mi laik askim yu sapos yu inap long strongim skul bilong ol meri insait long ples, ol komyuniti na ol skul. Ol meri i kisim skul bai inap long halivim long kamapim developmen insait long kantri bilong mipela long sosol, politiks na ikonomi tu.

Gutpela self rilains save i go long ol meri long skul em ol i ken karim i go long haus, ples na komyuniti bilong ol. Ol man na meri i mas wok bung wantaim long kamapim developmen i kam long kantri.

Namba bilong ol meri husat i wok long kisim skul i wok long go daun, olsem na namba bilong ol meri husat i holim bikpela wok insait long Gavman na ol praiwet bisnis i wok long go daun tu. Lukluk long skul bilong yu yet. Hamas meri tisa i stap long skul bilong yu?

Em ol liklik o bikpela namba? Hamas meri tisa i holim ol bikpela wok? Yu stap long wok we yu inap long askim ol bosman long apim mak bilong ol meri tisa husat i gat save long holim bikpela wok?

Taim bilong lukluk long neks yia

DISPELA em i las skul tem bilong dispela yia. Na taim oi sumatin na oi tisa i wok long redi long ol nesene eksem, pinisim ol skul ripot na greduesen, plening bilong neks yia i mas stat nau long dispela tripela mun i stap yet.

Dipatmen bilong Edukesen i bin salim wanpela toksave i kam long Seketeri bilong Edukesen, Circular 49/2004 we i makim taim bilong wan wan skul tem na ol taim bilong malolo long 2005.

Skul yia bilong wan wan yia i save kamap raunim ol bikpela samting i save kamap insait long edukesen sistem. Em i karamapim ol pablik holidei o de bilong malolo, na ol de bilong luksave we Nesene Eksekutiv Kaunsof (NEC) yet i makim.

Insait long 52 wik kalenda, 41 wik em bilong ol tisa long tis, 11 wik em malolo taim bilong ol sumatin, na dispela em i karamapim ol malolo namel long ol skul tem taim ol tisa i

Ol tisa		Ol sumatin
Ol wik bilong ol tisa long tis	41	41
Ol malolo wik	9	11 (9-pela wik wantaim NIST na redi)
Wik bilong Redi (Jan 26-30)	1	Malolo bilong ol sumatin olsem antap
NIST Wik	1	Malolo bilong ol sumatin
Total	52	52

Olgeta yia, i gat wanpela bikpela het tok bilong Edukesen. Dispela het tok em ol sinia opisa insait long Edukesen Dipatmen i save paitim toktok long en bai i mas bihainim ol polisi bilong gavman. Dispela het tok em ol i save promotim long wan wan yia insait long olgeta program bilong ol skul. Tasol long taim bilong Nesene Edukesen Wik long mun Oktoba long olgeta yia, ol i save luksave long en.

mekim insevis trening na wanpela wik redi bilong stat bilong skul yia.

Bikpela het tok bilong 2005 em: Libraries and Literacy; promoting and sustaining life-long learning for all.

Ol arapela bikpela de yu bai painim long skul kalenda em ol de bilong Nesene Eksem, ol nesene wik bilong amamas we olgeta skul i save luksave long en olsem Nesene Buk Wik.

Ol arapela de we olgeta insait long edukesen sekta insait long kantri i mas luksave

long en em stat na pinis bilong olgeta tem insait long wan wan skul yia.

Malolo namel long yia (malolo bilong tem 2), na stat bilong tem namba tri i mas klia long olgeta papamama, tisa na sumatin na olgeta arapela lain insait long edukesen sekta.

NIST

Nesene Insevis Trening (NIST) Wik em i wanpela bikpela hap bilong profesene developmen bilong ol tisa we i bikpela long apim mak bilong skul insait long ol klasrum. Wanpela toksave i kam long Seketeri i tok, NIST Wik em ol

Provinsal Edukesen bod na Nesene Insevis Komiti bihainim ol senis long insevis rikwaimen bilong Nesene Dipatmen bilong Edukesen Insevis Menesmen Plen 2001-2005.

Bilong ol praimer skul, taim bilong NIST wik long wan wan provins i mas kamap long wankain taim olsem ol wok karikulum rifom insevis we i save ron long Januari inap long Disemba.

NIST Wik i save makim taim bilong malolo bihain long tem 2 na stat bilong namba tri tem.

MALOLO LONG NAMEL LONG YIA 2005

Ol Tisa - Long olgeta skul, ol tisa i gat wanpela wik malolo (Julai 4 - Julai 8, 2005).

Ol Sumatin - Long olgeta skul, ol sumatin i gat wanpela wik malolo (Julai 4 - Julai 8, 2005). Long namba tu wik, malolo na stat bilong Tem 3 bai bihainim program bilong NIST Wik na program bilong provins na skul.

NIST WIK 2005

Ol skul we i gat NIST Wik, bai ol i skruim malolo bilong tem 2 brek.

Sapos wanpela skul i gat NIST Wik bihain stret long malolo bilong tem 2, ol sumatin bai tupela wik malolo (Julai 4 - 15, 2005).

Ol skul wantaim ol arapela program bilong NIST Wik.

Ol sumatin bai i gat wanpela wik malolo. (Julai 4-8, 2005).

STAT BILONG TEM 3 LONG 2005

Julai 11, 2005 - bilong ol skul i gat NIST program long ol arapela taim. Dispela em ol elementeri na praimer skul na sampela skul bihain long praimer.

Julai 18, 2005 - bilong ol skul wantaim NIST wik i bihainim malolo bilong tem 2.

OL PABLIK HOLIDEI BILONG 2005 (We NEC i makim long Septemba 2004)

Holidei	Mun	De
New Years Day	1 Januari	Sarere
Good Friday	25 Mas	Fraide
Nesene Remembrance Day	23 Julai	Sarere
Easter Saturday	26 Mas	Sarere
Easter Sunday	27 Mas	Sande
Easter Monday	28 Mas	Mande
Queens Birthday	13 Jun	Mande
Remembrance Day	23 Julai	Sarere
Independence Day	16 Septemba	Fraide
Christmas Day	25 Disemba	Sande
Boxing Day	26 Disemba	Mande
Pablik Holidei	27 Disemba	Tunde

Edukesen Dipatmen i laikim ol skul long luksave long ol dispela pablik notis de tasol i no olsem holidei. Sampela long ol dispela de i mas i gat luksave bilong ol pikinini, tisa na ol skul komyuniti. Ol dispela de em International Mother Language Day, Commonwealth Day, National Womens Day, World Health Day, World No-Tobacco Day, World Environment Day, International Day Against Drug Abuse and Illicit Trafficking, World Population Day, Provincial Government Day, International Literacy Day, World Food Day, International Day for the Eradication of Poverty, World AIDS Day na International Teachers Day.



DEPARTMENT OF EDUCATION WAIGANI

TERM DATES IN 2005

This public notice is issued under Section 28 (h) & (i) of the Education Act 1983 and Section 149 of the Teaching Service Act 1988. It is to be read in conjunction with the 2005 Department of Education Calendar. The public notice is intended to inform all member institutions within the National Education System including provincial authorities, school boards, principals, teachers and the general public of the Term Dates in 2005.

1. COMMENCEMENT DATES

(a) **Teachers**
Term One commences for all Teaching Service Staff on Monday 24 January, 2005. Principals, Headmasters/Headmistresses and Vocational Centre Managers devote this week to sort out enrolments with Governing Bodies while teachers devote these five working days to preparations for commencing a full day's teaching from 31 January, 2005.

(b) **Students**
Term One commences for all institutions on Monday 31 January, 2005. Principals, Headmasters/Headmistresses and Vocational Centre Managers ensure that all teachers and students commence a full day's teaching from 31st January, 2005.

2. TERM DATES AND TERM BREAKS

Term	Start Date(Students)	End of Term	Teaching Weeks	Term Holiday Dates (students)	Holiday weeks (students)
1	31 Jan 2005	15 April 2005	11	18 April 2005 - 22 April 2005	1
2	25 April 2005	1 July 2005	10	4 July 2005 - 8 July 2005 (see note below **)	1 Refer **
3	11 July 2005	23 Sept 2005	10	26 Sept. 2005 - 30 Sept. 2005	1
4	3 Oct. 2005	9 Dec. 2005	10	12 Dec. 2005 - 27 Jan. 2006	7

** Mid year break; 1 week for all schools. The second week midyear break is only for schools that have NIST week immediately following the first week break.

Start of Term 3: 11 July for those that have 1 week midyear break and NIST week at other times during the year. 18 July for those that have NIST week adjoining the midyear break.

Until the Education Calendar is printed and distributed, please use the information in this public notice to prepare for the commencement of the 2005 school year.

PETER BAKI,CBE
Secretary for Education



Sindaun i no gutpela tumas

Palestain:

WANPELA lapun man Palestain i sindaun long i stap long wanpela refuji kem long Gaza Strip long Jabalia. Pait long graun namel long Palestain na Israel i bagarapim sindaun bilong em na planti arapela bilong tupela kanti wantaim, olupela na yangpela. **Poto: AFP/Mohammed Abed**



Planti kalabus long Rasia i gat ol sik

Rasia:

PLANTI bilong ol kalabus long Rasia i gat ol sik olsem sik long het na ol bikpela sik olsem HIV/AIDS, tebekulosis, sifilis, o ol hevi long dring bia tumas o kisim drak. **Poto: AFP/EPA**



Painim gol

Manila, Filipins:

OL PIPEL husat i save stap long ol slam o hap nogut we i-gat planti pipia na ol haus ol i mekim long kain samting ol katbod na ol haphap diwai, i lukluk raun insait long wanpela liklik hap we wara i bungim graun we sampela ol pipel i bin painim ol liklik ston we i bin gol long sampela de i go pinis. **Poto: FP/Romeo Gracad**

Conen, 'manki' Australia stap long Amerika

San Diego, Yunaited Stets ov Amerika:

CONEN, wanpela liklik koala, ol animol bilong Australia, husat i gat 7-pela mun tasol i sindaun long han bilong wanpela wokman long San



Diego Zoo long Fraide, Oktoba 1, 2004, long San Diego. Zoo em i wanpela hap we ol kainkain animol i save stap na ol pipel i save baim long i go lukim. 4-pela taim long olgeta de, ol wokmanmeri bilong dispela zoo i save givim susu long botel long Conen bihain long ol i painimaut olsem mama bilong em i stop long kamapim susu na i no inap lukautim pikinini bilong em. San Diego Zoo i gat moa long 30 koala we ol i kisim i kam long Australia. **Poto: AP/San Diego Zoo, Ken Bohn**



Paia danis

Hawaii, Yunaited Stets ov Amerika:


Larson Tuilet husat i gat 5-pela krismas na i bilong Honolulu, Hawaii, i soim ol save na stail bilong em long mekim paia danis long namba 22 Mis Hawaii Tropik Intanesenel Resis, olsem Mis PNG Resis bilong Papua Niugini, long Kahuku, Hawaii long Oktoba 2, 2004. Tuileta i stat long mekim dispela danis long wanpela yia tasol i go pinis na i wok long bihainim lekmak bilong bikpela brata bilong em Larry, husat i gat 9-pela krismas na i wanpela hap man bilong mekim paia danis tu. **Poto: Reuters/Lucy Pemoni**



Yudhoyona i go pas long resis bilong kamap presiden

Indonesia:

WANPELA man husat i sanap long resis long ileksen long kamap presiden bilong Indonesia na i wok long go pas long ol namba, Susilo Bambang Yudhoyono, i soim mak bilong ink long han bilong em bihain long em i vot klostu long ples bilong em long saut bilong Jakarta long Septemba 20, 2004. **Poto: Darren Whiteside/Reuters**



Maunt St. Helens i pairap

Washington, Yunaited Stets ov Amerika:

MAUNT St. Helens i pairap long Fraide, Oktoba 1, 2004, long Maunt St. Helens, Washington, Yunaited Stets ov Amerika. **Poto: AP/U.S. Geological Survey, John Pallister**



Billy Joel i marit gen

Nu Yok, Yunaited Stets ov Amerika:

Hap man bilong singsing, Billy Joel, i holim han bilong meri em i maritime, Kate Lee, long marit bilong ol long haus bilong Joel long Senta Ailan, Nu Yok, long Sarere, Oktoba 2, 2004. Pikinini meri bilong Joel, Alex Ray, i sanap long lephan tru. **Poto: AP/Colombia Records via PR Newswire, Terry Gruber, HO**



Ron, wokabaut long helpim

Canada:

MOA long 170,000 pipel long Canada i ron o wokabout long 2004 Canadian Breast Cancer Foundation CIBC Run for the Cure. Dispela em wanpela fandresing we i save kisim mani long helpim long painim ol marasin o we long helpim ol pipel husat i gat sik kensa. Dispela fandresing i bin kisim \$19.2 milien, moa long olgeta arapela fandresing ol i bin kamapim bipo. **Poto: CP/Handout**

Em i orait long strongim lo bilong kilim man o nogat?

Las wik na dispela wik i bin i gat ol bikpela kibung we ol manmeri i paitim toktok long strongim lo bilong kilim man i dai bihain long kot i painimaut olsem man o meri husat i rong long kamapim bikpela birua we i bagarapim tru komyniti. Moa yet em i kia olsem sapos dispela man o meri i stap yet em bai go het yet long mekim ol pasin nogut na olsem ol kot i mas givim oda long atoriti i mas kilim kain man o meri dai. Sampela man i ting em i orait long ol kot i strongim dispela lo tasol planti i tok Papua Niugini i Kristen kantri na olsem mipela i nogat rait long kilim narapela man o meri i dai. Ol i ting of kot tu i nogat rait long givim oda long ol i mas kilim man i dai. Moa yet Peter Hodgkinson, Dairekta bilong Senta bilong Kapitel Stadi na saveman bilong kamapim lo bilong kilim man long Englan, i tok kamapim Kapitel Panisemen o lo bilong kilim man i gupela tasol pastaim gavman i mas skelim tingting pastaim na bihain strongim dispela lo. Em i tok pasin na sindaun bilong ol pipel long kain kantri olsem PNG i narakain long sindaun bilong ol pipel long Englan, Amerika, na sampela moa ol kantri we i gat lo bilong kilim man o meri i dai bihainim oda bilong kot. Tasol sampela i tok em i gupela mipela i kamap wantaim kain lo i go wantaim kain sindaun em ol pipel i gat long en. Sindaun bilong ol pipel long PNG i narakain. Gavman i mas mekim wok painimaut long wanem as na ol manmeri i mekim trabel olsem. Bihain nau em i ken strongim dispela lo. Hia nau em tingting bilong ol pipel.



olsem na em bai bikpela asua sapos yumi tok yumi laik harim tok bilong God na bihain gen brukim long kain pasin yumi laik mekim."

Vincent Unda

Vincent Unda i bilong Mendi, Sauten Hailans provins na em wampela mekenik long Mendi. Em i tok kot i mas givim 50, 50 sans long ol man i mekim bikpela trabel. "Sapos wampela trabel i bikpela tru tasol i soim olsem man o meri i ken senis bihain long sampela kain mekimsave em i kisim o sampela kain skul em i kisim orait kot i ken larim em stap. Tasol ol i skelim olsem trabel em i mekim i bikpela tru orait kot i ken givim oda long atoriti i kilim em i dai, maski dispela em i namba wan taim bilong mekim olsem. I olsem sapos trabel man i holim wampela meri long gan, kisim mani bilong em tasol bihain long em i kisim mani em i sutim dispela meri i dai. Tasol moayet em i kirap na bagarapim dai bodi long sampela samting. Kain pasin olsem kot i ken givim oda long atoriti i kilim kain man olsem. Hangamapim o sutim ol long gan na ol i dai."

Pokowas Pau

Pokowas Pau i bilong Manus na em i bipo nevi opisa tasol nau i mekim wok bilong em yet. Em i tok orait long gavman i strongim dispela lo bilong kilim man i dai. "Long taim yet Kristieniti i kam long dispela kantri na planti manmeri i gat sav olsem em i rong long kilim man i dai. Tasol ol manmeri i bikhet yet. Ol go het yet long kilim ol manmeri i dai nating. Moayet bipo long tok bilong God i kam em i lo bilong kastam bilong mipela olsem yumi mas kilim ol trabel man i dai sapos asua em ol i mekim i bikpela tru long komyuniti. Na olsem mi

ting em i no hat long strongim dispela lo. Dispela em olsem sapos gavman i strongim dispela lo ol manmeri bai tingting tupela taim bipo long ol i go het long bagarapim laip bilong narapela manmeri i dai."

Michelle Kalele




Simon Kombi

Simon Kombi i bilong Yangoru, Is Sepik provins na em i sinia fainens opisa wantaim wampela kampani long long Pot Mosbi. Em i tok em i orait long gavman i strongim lo bilong kilim man. "Tasol bipo long em i go het yet long strongim dispela lo em i mas mekim wok painimaut as bilong ol manmeri i kilim narapela man o meri i dai.

Chris Bau


Chris Bau i bilong Arawa, Not Solomon provins na em i wampela probesen opisa long Kavieng. Em i tok em i no gupela long kilim man i dai. "Namba 6 Lo bilong God i tok yumi i no ken kilim man i dai. Na moayet mipela i kolim mipela yet Kristen kantri. Olsem wanem taim yumi brukim dispela lo na kamapim lo bilong kilim man i dai? Yumi nogat rait long kilim narapela man i dai. Long stadi bilong pilosopi o stadi bilong save long samting i tru, i gupela o i nogut, em i tu i tok em i rong long bagarapim laip bilong narapela samting. Olsem golden lo i tok 'Yu no ken mekim rong long narapela man'. Na narapela i tok yu no ken mekim wampela samting i rait long mekim samting i rong.

Michelle Kalele i bilong Waromo, Vanimo long Sandaun provins. Em i wampela seketeri wantaim Sandaun Provisnel Gavman long Vanimo. Em i tok em i orait long kilim man i dai tasol pastaim kot i mas givim sans. Sapos man o meri i mekim wankain asua tupela o tripela taim gen maski komyniti na atoriti i toksave long em kia olsem rong em i mekim i bagarapim sindaun bilong komyniti na sosaiti, tasol em i no harim tok na i go het yet long mekim wankain pasin, orait ol kot i ken tok orait long atoriti i kilim em i dai. "Mi sapatim dispela tingting bilong strongim lo bilong kilim man i dai tasol pastaim kot i mas givim sans."



Samson Moses

Samson Moses i bilong Baiyer, Westen Hailans na em i draiva bilong National Niuspepa. Em i sapatim lo bilong kilim man i dai tasol i tok kot i mas givim 50, 50 sans. "Pastaim long kot i givim oda long atoriti i kilim man o meri husat i mekim rong em i mas givim sans long ol. Sapos dispela man o meri i mekim wankain rong tupela o tripela taim, orait kot i ken givim oda long atoriti i kilim em i dai. Tasol wankain taim tu kot i mas save olsem mipela i givim mipela yet pinis i go long han bilong God na dispela em i Kristen kantri. I no gupela sapos yumi pinisim nating laip bilong narapela man o meri na brukim lo bilong God, em yumi Kristen kantri?



Herman Manda


Herman Manda i bilong Wabang, Enga provins. Em i mekim praivet mekenik wok bilong em long Pot Mosbi. Em i tok orait long gavman i kamap wantaim bikplea tok orait strongim dispela lo bilong kilim i man dai. "Yumi olgeta i save pinisi long lo bilong God tasol bilong wanem na ol manmeri i go het long brukim ol bilong God, wampela em long no ken kilim man i dai. Ol i skul tu i stap na tokaut long mipela long wok bilong lo. So nogat wampela eskus long ol i tok ol i no save long lo.

Travis Jiba

Travis Jiba i bilong Madang provins na i stap long Pot Mosbi. Em i no wampela long dispela lo bilong kilim man i dai. "I tru olsem kot i save tok nogat olsem em bai kilim man o meri inap ol loya i ken soim olsem tru tru dispela man o meri i bin rong long kamapim ol dispela birua. Tasol, long olgeta dispela 10-pela ol i ken kilim i dai, sapos i gat wampela husat i no bin rong long kamapim ol dispela birua tasol long sampela we kot i painimaut olsem em i bin rong na givim oda long kilim em, em i stret o nogat? Long kisim, tok piksa, papa long meri o pikini. Tru 10-pela i ken tru ol man o meri husat i mas kisim dispela kain mekimsave bikos tru olsem ol i bin rong. Tasol dispela wampela husat i no bin mekim wampela rong tasol i kisim dispela oda long dai bai olsem wanem? Dispela tasol i mekim mi wari long diispela lo.

Gevo Alfred

Gevo Alfred i bilong Rigo, Sentral provins. Em i laikim gavman i mas strongim lo bilong kilim man i dai. Tasol em i tok bipo long kot i givim oda em i mas givim dispela trabel man o meri sans pastaim. "Sapos dispela man o meri i mekim wankain trabel gen orait kot i ken givim oda long ol polis o woda i hangamapim o sutim dispela man o meri i dai. Yumi save manmeri i gat taim bilong em long senis. Namba wan taim em i mekim na i kisim sampela kain bikpela mekimsave dispela i ken mekim em i senisim tingting bilong em long i noken mekim trabel gen."



Jimmy Sam

Jimmy Sam i bilong Mumeng, Morobe provins na em i stap long Pot Mosbi. Em i tok nogat long dispela lo bilong kilim man. "Mi tok nogat long dispela lo sapos ol i wokim pinis na i laik strongim o sapos ol i gat tingting long kamapim. Em i bikpela lo bilong God long yumi noken kilim narapela man i dai. Yumi i nogat rait long kilim narapela man i dai. Kot tu i nogat rait long kilim narapela man i dai. Moayet, dispela kantri i Kristen kantri

CATHOLIC RADIO schedule

Jaya		Tara		Safara		Sanda	
6:00	ANGELUS	6:00	ANGELUS	6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN RADIO WORLD NEWS	7:00	VATICAN WORLD NEWS	7:00	VATICAN WORLD NEWS	7:00	VATICAN WORLD NEWS
7:15	VATICAN ENGLISH PROGRAM	7:15	VATICAN ENGLISH PROGRAM	7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	7:35	NON-STOP GOSPEL MUSIC	7:35	NON-STOP GOSPEL MUSIC	7:35	NON-STOP GOSPEL MUSIC
8:00	JOURNEY HOME (EWTN)	8:00	VATICAN ENGLISH PROGRAM	8:00	VATICAN ENGLISH PROGRAM	8:00	VATICAN ENGLISH PROGRAM
9:00	VATICAN RADIO WORLD NEWS	9:00	VATICAN WORLD NEWS	9:00	VATICAN WORLD NEWS	9:00	VATICAN WORLD NEWS
9:15	VATICAN ENGLISH PROGRAM	9:15	VATICAN ENGLISH PROGRAM	9:15	VATICAN ENGLISH PROGRAM	9:15	VATICAN ENGLISH PROGRAM
9:40	KIDS SING-ALONG	9:40	KIDS SING-ALONG	9:40	KIDS SING-ALONG	9:40	KIDS SING-ALONG
10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX
10:30	GOSPEL MUSIC	10:30	GOSPEL MUSIC	10:30	GOSPEL MUSIC	10:30	GOSPEL MUSIC
11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC
12:00	ANGELUS	12:00	ANGELUS	12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM
12:40	REFLECTION MUSIC	12:40	REFLECTION MUSIC	12:40	REFLECTION MUSIC	12:40	REFLECTION MUSIC
1:00	LAMB'S SUPPER WITH DR. SCHOTT HAHN	1:00	THE WAY TO FOLLOW JESUS	1:00	THE WAY TO FOLLOW JESUS	1:00	THE WAY TO FOLLOW JESUS
2:00	MUSIC	1:30	GOSPEL MUSIC	1:30	GOSPEL MUSIC	1:30	GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC	3:20	NON-STOP GOSPEL MUSIC	3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX (ENCORE)	4:00	CATHOLIC JUKEBOX (EWTN)	4:00	CATHOLIC JUKEBOX (EWTN)	4:00	CATHOLIC JUKEBOX (EWTN)
4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC
5:00	JOURNEY HOME	5:00	MESSAGE IN MUSIC	5:00	MESSAGE IN MUSIC	5:00	MESSAGE IN MUSIC
6:00	ANGELUS	6:00	ANGELUS	6:00	ANGELUS	6:00	ANGELUS
6:05	MADANG LOCAL NEWS	6:05	VATICAN ENGLISH PROGRAM	6:05	VATICAN ENGLISH PROGRAM	6:05	VATICAN ENGLISH PROGRAM
6:10	VATICAN ENGLISH PROGRAM	6:10	VATICAN ENGLISH PROGRAM	6:10	VATICAN ENGLISH PROGRAM	6:10	VATICAN ENGLISH PROGRAM
6:30	LAMB'S SUPPER WITH DR. SCHOTT HAHN	6:30	LAMB'S SUPPER WITH DR. SCHOTT HAHN	6:30	LAMB'S SUPPER WITH DR. SCHOTT HAHN	6:30	LAMB'S SUPPER WITH DR. SCHOTT HAHN
7:00	HOLY ROSARY	7:00	HOLY ROSARY	7:00	HOLY ROSARY	7:00	HOLY ROSARY
7:30	CATHOLIC INSIGHT	7:30	CATHOLIC INSIGHT	7:30	CATHOLIC INSIGHT	7:30	CATHOLIC INSIGHT
8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS
8:15	MADANG LOCAL NEWS	8:15	CRN LOCAL NEWS	8:15	CRN LOCAL NEWS	8:15	CRN LOCAL NEWS
8:30	VATICAN ENGLISH PROGRAM	8:30	VATICAN ENGLISH PROGRAM	8:30	VATICAN ENGLISH PROGRAM	8:30	VATICAN ENGLISH PROGRAM
9:00	TOK STREET LONG HWARDS	9:00	TOK STREET ABOUT HWARDS WITH FR. JUDE (ENGLISH)	9:00	TOK STREET ABOUT HWARDS WITH FR. JUDE (ENGLISH)	9:00	TOK STREET ABOUT HWARDS WITH FR. JUDE (ENGLISH)
10:30	VATICAN ENGLISH PROGRAM	10:30	CATHOLIC JUKEBOX PROGRAMME	10:30	CATHOLIC JUKEBOX PROGRAMME	10:30	CATHOLIC JUKEBOX PROGRAMME

Hap Hap Nius

Kina bai kamap strong moa

WESTPAC Beng i ripot olsem i luk olsem strong bilong kina i go antap moa egensim US dola long ol wik long kam.

PNGDF i mas i gat K20 milien long stretim ol balus bilong en

EA Trensport Wing (ATW) bilong Papua Niugini Difens Fos (PNGDF) i mas i gat K20 milien long stretim olgeta balus na helikopta bilong en we i bagarap na stap. ATW i gat 4-pela Iroquis helikopta, 4-pela Arava na tupela CASA balus. Wanpela

Noken wari Niue - BSP

BENG Saut Pasifik (BSP) i tokim ol kastoma long kantri bilong Niue long olsem nogat senis bai kamap long we bilong ol long mekim bencing na bisnis bai go het yet bihain long Westpac Beng i lusim kantri. BSP i bai lukautim nau ol wok bencing bilong Niue na beng i makim pinis Robert Thaddeus, bilong Is Sepik provins, long lukautim dispela beng long hap.

Bung bilong ol kantri we i save kamapim raba kamap

EKSEKYUTIV komiti bung bilong asosiesen bilong ol kantri we i save kamapim raba i bin kamap long dispela wik long Pot Mosbi. Sampela ol kantri we i kam em India, Sri Lanka, Thailan na Vietnam.

Shell statim gen wok bilong em long Hailans

MINISTA bilong Trensport na Sivil Aviesen na Memba bilong Kandep, Don Pombpolye, i tok amamas long Shell PNG Kampani long statim gen ol sevis bilong en long Hailans bihain long ol i bin stopim ol dispela sevis long Mas.

Kampani i bin stopim ol sevis bilong em bikos ol trak bilong em we i save karim

bensin i go antap long Hailans i bin painim hat long ron long ol hap rot bilong Hailans (Okuk) Haiwe we i bin bagarap nogut tru.

Wanpela wari kampani i bin gat em sapos wanpela trak i bin tanim bikos long rot i bagarap na bensin i kapsait, bai i gat bikpela hevi long envaironmen o ol bus, wara na

animol long dispela hap na bagarapim sindaun bilong komyniti.

Mista Pombpolye i tok olsem long ol 7-pela mun kampani i bin stopim ol wok bilong em, bisnis long rijon i no bin gutpela.

Em i tok Maunt Hagen Ples Balus tu i bin bungim hevi long traime long kisim Avgas, benis

we ol balus i save yusim long ron.

Tasol nau ol sevis bilong kampani i kirap gen bensin bilong ol balus na ka i stap.

"Mi tok strong long ol bisnis long rijon long wok strong long mekim ol yet kamap bikpela moa na helpim long mekim ikononi bilong kantri i go bikpela," Mista Pombpolye i tok.

Em i tok tu olsem stat wok gen bilong shell i soim olsem ol rot bilong haiwe i gutpela nau.

"Mi yet mi ron long haiwe i no longtaim i go pinis na mi ken i tok wantaim amamas olsem haiwe i moabeta nau bihain long ol wok stretim i bin kamap long en," em i tok.

Mista Pombpolye i tok gavman i mekim wok stretim long ol ples balus long rijon tu.

Gavman i mekim planti samting tru bilong rijon long dispela tupela yia tasol long taim we i gat bikpela hevi long ikononi, em i tok.

Mista Pombpolye i tok strong long ol pipel long yusim ol dispela sevis we i kamap gut moa long kamapim ol gutpela wok na mekim sindaun bilong ol gutpela moa.



• Wanpela sevis stesen bilong Shell.

I gat bikpela laikim long abus bulmakau bilong NBPOL



• Salim bilong abus bulmakau em i bikpela bisnis.

I WOK long i gat bikpela laikim long ol konsuma long abus bulmakau we Nu Briten Palm Oil Limited (NBPOL) i wok long kamapim long Numundo Ketel Fam bilong en.

Ketel em i nem we i karamapim kainkain ol bulmakau na long nau yet askim bilong ol konsuma o ol manmeri na bisnis husat i laik baim abus bulmakau long NBPOL, i winim namba bilong ol abus bulmakau kampani i gat.

Menesa o bos bilong fam, Philip Mann, i tokim ol manmeri husat i bin stap insait long Kulim Konfrens o bung long Wes Nu Briten provins

taim ol i mekim wanpela raun i go long fam, olsem kampani i kamapim 283 tonnes bilong abus bulmakau long 2003 na 52 pesen (%) bilong en em ol i salim i go long ol konsuma long ol bikpela senta olsem Lae na Pot Mosbi.

Long nau yet NBPOL i gat 3800 ol bulmakau long fam bilong en ausait long kapitel taun bilong provins, Kimbe.

"Bikpela tingting bilong mipela em long kamapim moa abus bulmakau.

"Long nau yet mipela i no inap long bungim ol laikim bilong ol konsuma bilong mipela," Mista Mann i tok.



BANK OF PAPUA NEW GUINEA

KINA FACILITY RATE FOR OCTOBER 2004

In the first nine month of 2004, the country has witnessed stability in the exchange rate, lower interest rates, lower inflation rates and a strong build up in foreign exchange reserves. This has led to expectations of lower future inflation and provides an enabling and conducive environment for private sector investment. Continued sound fiscal management has also enabled the Government to record a Budget surplus of 2.6 percent of Gross Domestic Product (GDP) in the first eight months of 2004. The Bank encourages the Government to continue to redirect these savings to development expenditure in order to generate sustainable economic growth in future, whilst restructuring its debt portfolio.

THESE ARE POSITIVE INDICATORS AND THE BANK OF PNG ADVISES THE PUBLIC THAT IN PASSING ON THESE BENEFITS THE KFR IS REDUCED BY 2.0 PERCENTAGE POINTS TO 7.0 PERCENT FOR OCTOBER 2004.

**L Wilson Kamit, CBE
Governor**

**Benny Popoitai, MBE
Deputy Governor**

3 October 2004



• Praim Minista Sir Michael Somare i go long Enga provins las wik na kisim bikipela welkam long lokol gavman kansol. Em i go long bikipela de bilong Fo Skwe sios long Enga provins.




•Tupela susa ya i salim ol kaikai long maket long Mosbi. Em pasin bilong yumi PNG stret long maket long painim liklik wan siling bilong baim rais na suga.

• Ol lain bilong Westen Hailans provins i bilas gut tru na soim stail bilong ol long Hagen So long las yia.

• Mema bilong Okapa, Tom Amukele i soim bris long ilektoret bilong em we i bruk pinis na bikipela wok nau em long traim long stretim dispela bris.

BALENS LONG EDUKESEN



Edukesen em i rait bilong olgeta pikinini man na meri, i gat mani o nogat mani.



Department of Education



Original illustration by Lynn Kari, Mu Community School, Boro Province. Re-illustrated by Michael John, Graphics, Department of Education.




NRL GREN FAINEL

Bulldogs 16 - Roosters 13



Hassam El Masri bilong Bulldogs i brukim takol bilong Ryan Cross bilong Roosters long skoaim trai.



Oi pilaia bilong Bulldogs i amamas na holim pas bihain long ol i winim dispela strongpela gren fainel egensim Roosters.



Kepten bilong Bulldogs, Steve Price (lephan) na man husat i bin kisim ples bilong em long dispela de, Andrew Ryan (rait), i apim tropi.


LOKOL SPOTS POTO



Pot Mosbi Ragbi Lig gren fainel las wiken namel long PRK Souths na Millenium Brothers.



Oi pilaia bilong PRK Souths na Millenium Brothers i brukim bun long ragbi lig gren fainel.



Tripela pilaia i mekimsave long ol basketbol kot long Hohola, Pot Mosbi, long wiken.

Matupi Volibal Asosiesen kamapim ol gutpela pilai

S APOS yu raun insait long ol ples long Madang provins bai yu lukim ol komyuniti i pas long pilai spot.

Wanpela spot yu ken lukim isi em volibol. Sapos i gat planti spes bai yu lukim ol manki i kikim soka bal i stap.

Tasol maski long soka, volibal nau i wok long kisim ples bilong em long Madang long wanem yu ken painim isi ples bilong pilai.

Hia presiden bilong Matupi Volibal Asosiesen, Allen Ahi, i stori wantaim *Wantok Niuspepa* long Madang long stat bilong asosiesen.

Matupi komyuniti i stap long Not Ambenob Loke! Level Gavman (LLG) Kaunsil hap long Madang, 20 minit ron long ka long Madang taun i go long dispela ples.

Long dispela ples ol manmeri i no bilong wanlain o tumbuna. Ol i kam long kainkain hap bilong Madang tasol i sindaun wantaim liklik lain asples long Nobnob na kamapim Matupi ples.

Long save moa long wanem kain samting em asosiesen i kamapim Mista Ahi i stori olsem: "Mi yet mi asples man na papagraun.

"Mi lukim olsem stap bilong ol pipel long liklik komyuniti bilong mipela i no gutpela. I nogat sampela kain bel isi pasin. Planti ol raskol pasin i save kamap.

"I gat ol hevi bilong ol man i smukim spak brus, mekim stim (lokel bia), stil na bagarapim ol meri na olsem na ol manmeri i save stap wantaim pret.

"Kaunsil na ol lidaman bilong ples i traim long stapim dispela kain ol hevi tasol ol man i bikhet long kamapim ol pasin nogut.

"Mi tingting i go na wanpela tingting i kisim mi olsem sapos mi inap long bungim ol manmeri long sampela kain samting dispela i ken stapim ol kain hevi long kamap.

"Olsem na mi tingim long kamapim volibol asosiesen we mipela nau i bungim ol manmeri na kamapim ol pilai.

"Dispela em long 6-pela mun i go pinis mi traim long statim kain grup olsem.

"Nau mi lukim olsem tru tru tingting bilong mi i go stret. Ol manki i wok hat long pilai bilong ol na i no moa stap nating na kamapim kainkain hevi long komyuniti.

"Wantaim spot mi tingting long kamapim sampela kain aweanes kempen long toksave long gutpela rot bilong stap. I olsem taim tingting bilong ol manmeri i kliia ol i save long wanem rot bilong abrusim ol krangi tingting. Dispela kain kempen mi laik long mekim wantaim ol polis, ol opisa bilong heit dipatmen na sosel woks."

Insait long Matupi Volibal Asosiesen i gat 14 tim olgeta. 8-pela tim bilong man na 6-pela tim bilong ol meri. Bagi komyuniti i gat 4-pela tim. Dispela 4-pela tim em Mogoi we i gat tim bilong man na tim bilong meri. Na dispela i wankain long Kaibas we i gat man na meri tim. Kaba komyuniti nem bilong em em Kandes em i gat man na meri tim wantaim. Bulbul komyuniti i gat tim bilong ol man tasol. Batap komyuniti i gat tim bilong man na meri wantaim. Kui komyuniti i gat Mixmate tim we ol i gat man na meri tim wantaim. Dispela tim em ol manmeri husat i kam long ol narapela hap olsem ol provins bilong Morobe, Is Nu Briten, Is Sepik, Nu Ailan, Manus na Hailans. Na Reds tim, em asples tim bilong Nobnob i gat man na meri tim.

Nau yet Mogoi tim i go pas long kompetisen long divisen bilong man na meri wantaim.

"Mipela i laikim tasol sampela mani bilong klinim ples na baim sampela spot ikuipmen bilong mipela long kamapim ol pilai.



Sampela meri i amamas na pilai volibol long wanpela ples long Madang.

"Mipela yet i mekim sampela fan-resing tasol dispela i no inap.

"Mi lukim olsem ol pilaia bilong mi gat gutpela save bilong pilai na olsem sapos volibol kompetisen bilong mipela i pinis mi tingting long kamapim soka na narapela ol pilai tu. Kain pilai olsem tas ragbi o netball.

"Mipela i tingting long askim lokel memba bilong mipela (Alois Kingsley) long helpim mipela long sampela mani tasol i no askim em yet.

"Mi rait tu long RD Tuna Keneri we em graun bilong mi em kampani i sindaun long em, tasol ol i no bekim

askim bilong mi yet. Mi laikim sampela taim ol bai bekim askim bilong mi. I no RD Tuna tasol.

"Mipela bai askim tu ol narapela kampani olsem James Barnes Keneri, Britis Ameriken Tabako, Martin Tsang na sampela moa ol kampani," Mista Ahi i tok.

Em i tok olsem taim ol pilai pinis tu em i tingting long makim wanpela sait we bai pilai wantaim ol sait bilong Riwo ples, Mis, Siar, Baitabag na Kranket Ailan.

I tru mi presiden bilong Matupi Volibal Asosiesen tasol long wankain taim ol manmeri i lukim mi olsem wanpela komyuniti lida, em i tok.

"Sampela taim ol i gat hevi ol i save kam long mi long stretim hevi bilong ol.

"Ol hevi bilong famili yet, wantaim narapela ol manmeri o long komyuniti. I olsem mi laik lukim olsem ol manmeri i gat wanbel pasin na i amamas.

"I tru olsem ol manmeri i save tok Madang i stail ples na ol manmeri i lain bilong laikim bel isi pasin tasol.

"Dispela tok em i tru tasol taim sindaun bilong ol i nogut gutpela ol bai traim long mekim ol narapela samting long strongim ol yet," Mista Ahi i tok.

Long kain sindaun olsem planti ol yangpela i save tanim i go long ol pasin nogut long pinisim dispela hangre bilong ol o long painim sampela kain amamas, em i tok.

Em i tok olsem na i gutpela ol lidaman i mas lukluk long sapotim ol komyuniti long kamapim ol spot grup long holim pasim ol manmeri long stap gut.

Mi askim tu rijonol memba bilong mipela Sir Peter Barter long lukluk long dispela sait tu, Mista Ahi i tok.

Em i tok Sir Peter i gat gutpela wok bung wantaim ol dona ejensi na olsem em i ken askim ol long helpim mipela.

Mista Ahi i tok: "Moayet mi askim ol manmeri sapos ol i nogat gutpela samting ol i mas traim long kamapim sampela kain ol grup long mekim ol samting na sapotim ol yet."

Michael Novingu i stori long Matupi Volibal Asosiesen long Madang.



Tim bilong ol man bilong Matupi Volibal Asosiesen. Ol foto: MICHAEL NOVINGU

PRK Souths i winim namba 4 gren fainel

Joe Ivaharia i raitim

PETROLIUM Risoses Kutubu Souths ragbi lig klap i kamap nupela sempion bilong Pot Mosbi ragbi lig kompetisen.

Dispela i kamap bihain long ol i bin autim Millenium Brothers 22-12 insait long bikpela gem bilong gren fainel bilong Pot Mosbi Ragbi Lig (PRL) SP kompetisen las Sande apinun.

PRK Souths i winim SP Sil wantaim K5000 praismani na Millenium Brothers i kisim K2000 long kamap rana ap.

Dispela em i namba 4 taim bilong Souths long winim taitel bilong PRL..

Ol i bin winim taitel long yia 1999, 2000 na 2001 na kamap namba 2 long 2002 na las yia 2003. Nau ol i mekim samting tru long winim sil namba 4 taim.

Dispela gem i bin wanpela top gem long histori bilong PRL we i no bin gat wanpela trabel.

PRL i bin askim wanpela Nesenel Ragbi Lig (NRL) refri long Australia, Jason Robinson, long kam lukautim dispela pilai.

Long pilai, man ol nesenel selekta i bin abrus long makim em long Kumul tim, Joseph Omai, i bin go pas long sait bilong em Souths long kamapim dispela win we em tu i bin winim pilai bilong gren fainel awot.

Omai husat i skorim 2-pela trai long fainel i bin kisim gutpela sapat long ol arapela pilaia olsem kepten na huka

John Pandia, Alex Haija, James Rekisa, Johnson Kuike, Howard Anga na Tony Bare long ol fowet pek husat i mekim gupela pilai long brukim difens bilong Brothers.

Kain pilai bilong ol fowet i kirapim ol beks we liklik hap bek Geno Kima wantaim faivet Charlie Wabo i lukautim long setim ol senta Roy Thomas na Paul Bradshaw wantaim tupela winga Nelson Wanga na Elizah Anton na fulbek Samuel Nap long traim long skoa.


Souths i bin putim ol namba wan poin antap long skoa bod bihain long faivet Wabo i kikim wanpela penelti gol long go pas 2-0 5-pela minit insait long gem.

Tasol i no longpela taim na Brothers tu i bekim long wanpela penelti kik bilong fulbek Nixon Nagle long mekim skoa sanap wankain long 2-2.

Namba wan trai bilong Souths i kam long wanpela gutpela beklain pilai we bal i go long han bilong seken ro fowet Omai husat i katim long beklain na karim tupela difenda bilong Brothers i go slip wantaim long trai lain wantaim ol.

Souths husat i stat long pilaim sampela gutpela futbol nau i no pulim taim gen na salim kepten John Pandia i go skoa. Wantaim konvesen bilong Wabo ol i surikim skoa i go moa long 12-2 long skoa bod.

Bihainim trai bilong Souths we i mas kirapim bel bilong ol



Kepten bilong PRK Souths, John Pandia, i apim sil bihain long tim bilong em i winim Millenium Brothers 22-12 long gren fainel.
Foto: JOE IVAHARIA

Brothers ol i bekim wantaim wanpela trai bilong ol i kam long risev winga Godferry Luke taim senta Andrew Norman husat i bin wanpela bilong ol strongpela pilaia long sait bilong Brothers i bin setim.

Norman wantaim ol wan pilaia bilong em olsem Solomon Hui, Leonard Tarum, Eddie Wamp, Raphael Mua, Sparky Lingeno na Tony Mote i traim hat long brukim banis bilong Souths tasol long kain difens bilong Souths planti bal i wok long lus na ol beks i no lukim ol bol tumas.

Mekim na winga Leroy Muriki i kam insait planti taim long kisim bol na ron we wantaim spit bilong em i wok long mekim planti rot long go insait long hap bilong Souths.

Wantaim 10-pela minit i stap long kilok na Souths i go pas 12-06 long skoa tupela sait i

traim bes long kamapim moa pouns tasol nogat na skoa i stap olsem i go long hap taim.

Bihain long seken hap tupela kosa Raymond Karl bilong Brothers na Sailosi Druma bilong Souths i hatim ol pilaia bilong ol long kirapim skin na pilai gut wantaim lewa na olgeta tingting.

Dispela toktok i mas stat long karim kaikai long wanem Brothers i kam insait na insait long 10-pela minit ol i skorim namba tu trai i kam long fulbek Nagle husat i kikim konvesen na skoa i sanap 12-12.

Souths i kamapim wanpela trai gen i go long Joseph Omai bihain long namba 5 takol ol i salim bal long han bilong Omai husat i mekim sampela sait step na skoa klostu long gol pos na wantaim gutpela kik bilong Wabo ol i go pas long skoa bod 18-12.

Long dispela taim pilai bilong tupela tim i kamap tait na i no bin gat wanpela poin inap long 20 minit mak we long wanpela kain strongpela takol bilong Haija i lukim hitman bilong Brothers na Kumul pilaia Norman i kisim bagarap na em i go aut.

Long dispela hap nau gem bilong Brothers i stat long slek liklik we i givim sans long Souths na ol i skorim narapela trai gen i go long Wanga bihainim wanpela gutpela kik bilong hap bek Kima husat i kik antap na i go insait long trai lain bilong Brothers long lukim Wanga i slip antap long bal.

Dispela trai i surikim skoa bilong ol i go long 22-12 we i lukim Brothers i traim hat long bekim tasol taim i wok long pinis na dispela skoa i sanap inap ful-taim.

CBL holim nesenel sempionsip

Joe Ivaharia i raitim

PAPUA Niugini Basketball Federesen nau i wok long holim Nesenel Junia anda 19 na Sinia Allstars Basketball Sempionsip long Pot Mosbi.

Dispela ol pilai bai kisim wanpela wik olgeta we ol i stat long Mande bai pinis long Sande, Oktoba 10.

Dispela ol pilai em Kapitel Basketball Lig (CBL) i lukautim.

Ol kompetisen gems bilong ol junia i bin stat las Tunde na bai pinis nau na pilai bilong sinia divisen bai stat tumoro na bai pinis long Sande.

Ol senta husat i kamap pinis long pilai em Mt.Hagen, Mendi, Kapitel Basketball Lig, Henganofi, Kerema, Lihir, Lae, Madang, Sumbiripa (SHP), Kavieng, FILBA (Filipino) na Sentral.

Olgeta senta i salim pinis tupela tim, wanpela man na wanpela meri long pilai long sempionsip tasol FILBA tasol i salim tim bilong ol man.

Terse bilong BFPNG Boyet Daroya i tok ol i makim pinis Joe Asorang long kamap tonamen dairekta na Kere Mitaharo olsem siaman long lukautim ol teknikel komiti.

Daroya i tok tu olsem federesen bai i holim wanpela spesol enuel jenerel miting o bikpela bung bilong ol bikman bilong federesen olgeta yia long taim bilong sempionsip.

Dispela em bilong makim ol nupela eksekutiv na lukluk long ol plen bilong basketball na tu bai ol i makim ol rijonol fiesen opisa bilong Hailans rijon na Sauten rijon, Daroya i tok.

Long wankain taim presiden bilong BFPNG, Tom Gesa, i mekim bikpela tok lukaut long ol asosiesen husat i wok long pilai insait long Hailans rijonol tonamen olsem ol bai mekimsave long ol na rausim afiliisen bilong ol wanwan asosisen long nesenel federesen sapos ol i pilai long wanem federesen i no givim luksave long holim dispela tonamen.

Ol dispela kain sempionsip i save gutpela bilong wanem i givim sans long ol yangpela long traim ol save bilong ol long pilai na ol stail bilong ol egen-sim ol narapela pilaia long kantri na tu mekim ol i skin kirap long pilai gut moa long narapela pilaia.

Tu sempionsip i givim sans long ol kosa bilong ol kankain tim, moayet ol rijonol na nesenel tim, long lukluk long sampela ol yangpela pilaia.

Nupela kikboksing klab i kamap

Andrew Molen i raitim

PAPUA Niugini Kikboksing Asosiesen (PNGK-BA) i statim ol nupela klab long Madang na Pot Mosbi.

Long Pot Mosbi, PNGKBA i gat wanpela tasol em i stap long Murray Bareks tasol las Trinde em i opim narapela klab long Taurama Barracks.

Biknem PNG KBA paitman, Stanley Nandex, i tok ol i lukluk tu long opim wanpela klab long Koreksenel Institut (CIS), Bomana.

Opim bilong dispela klab long Taurama Bareks i lukim sampela ol demonstresen i kamap namel long ol sinia sumatin na ol biknem paitman olsem Nandex yet.

"As tingting em long opim 3 o 4-pela klab insait long Pot Mosbi na dispela bai mekim yumi i inap long holim Sauten Rijon Sempionsip bilong yumi yet long hia," Nandex i tok.

Em i tok ol lain long Hailans i gat planti klab na ol i save holim dispela Hailans Rijon Sempionsip bilong ol na dispela i wankain long Noten rijon tu.

"Mipela i laik bai i gat sempionsip bilong wanwan ol rijon na ol sempion bilong dispela ol rijonol taitel bai mipela i kisim ol long makim PNG long pait ovasis," em i tok.

Nandex i tok long kikboksing i gat 3-pela lo ol i save pait aninit long em, dispela em; Muai-Thai, ful bodi kontek na kikboksing.

Ol tonamen bilong kikboksing i op long ol paitman bilong ol narapela kain pait olsem karate na taekwondo bai kamap na traim save na strong bilong ol.

Ol narapela klab i stap long Pot Mosbi, Lae, Goroka, Kundiawa, Mt Hagen, Mendi na Erave.

Supa 4's i go het gut

Andrew Molen i raitim

KREDIT Koporesen (Credit Corporation) Sauten Traders na Coca Cola Noten Reds em ol namba wan tim long winim ol namba wan gem bilong dispela nupela Coca Cola PNG Ragbi Yunion Supa 4's salens.

Ol Traders i nekim ol PJV/Steamship Highlanders 12-7 long namba wan gem bilong tonamen we i lukim wanpela strongpela pilai tru i kamap.

Traders i putim mak long gem pas, taim senta David Camillus i kikim wanpela penelti gol ausait tasol long 22 mita lain bilong Highlanders bihain long ol i opsait.

Dispela kik i kisim ol i go pas 3-0.

Planti strongpela pilai i kamap long tupela sait wantaim tasol nogat wanpela tim i

skoa gen i nap long hap taim.

Tupela minit bihain long ol i kam insait long seken hap, ol stail bal wok na ron bilong ol Traders i salim Camillus i go skoa long kona long kisim poin i go antap 8-0 tasol kik.

Bihain long dispela ol manki nogut bilong "antap" i kam bek strong wantaim ol strongpela takol na sampela bikpela ron i kamap long ol fowet.

Dispela i helpim ol long kisim wanpela penelti kik long 30 mita mak bilong ol we kepten John Bain i kisim kik tasol bal i sot long gol pos.

Asua bilong ol Traders i lukim ol i lusim bol i go bek long han bilong ol Highlanders we Bain i kisim na tromoi long senta Christopher Hogi husat i skoa aninit long pos long givim ol sans long gem na kik bilong skram hap Gideon Bishop i

putim skoa olsem 8-7.

Ol Highlanders i kisim wanpela penelti kik gen tasol lek bilong Bishop i kranki na skoa i stap wankain.

Klostu long ful taim i lukim Traders i soim laspela strong bilong ol we ol i wokim mol na pusim o draiv long difens bilong Highlanders inap ol i skoa tasol kik bilong winga Steven Batia (Junia) i abrus na dispela i pinisim gem bilong ol wantaim 12-7 skoa.

Wanpela strongpela gem tu i kamap namel long Coca Cola Noten Reds na Easi Loans Islanders we i lukim spit bilong dispela gem i moa long gem i kamap pastaim.

Dispela em bilong wanem tupela tim ya i nogat planti traipela man long tim olsem na ol i save ron planti tru tasol hevi bilong ol Reds i liklik moa

antap long ol manki bilong "Solwara" na i luk olsem dispela i helpim ol.

Islanders i no pulim taim na ol i kisim pouns pas na lid 3-0 long wanpela penelti kik na dispela skoa i stap olsem i nap long hap taim.

Long seken hap fulbek bilong Islanders, Kevin Vitolo, i traim wanpela fil gol tasol kik bilong em i kranki na em i abrus.

I no long taim wanpela trai na kik bilong Reds i kisim ol i go 7-3.

Klostu long fultaim na Reds i brukim difens bilong Islanders wantaim narapela trai na kik we i lukim ol i pinisim gem wantaim 14-3 skoa. Dispela ol tim i pilai gen aste (Oktoba 6) na bai pilai ol laspela gem bilong ol long Sarere, Oktoba 9.



WANTOK

Spots



Australia Kangaroo i no laik pilaim PNG Kumuls

Paul Zuvani i raitim

I BIN gat ripot we i tok ol bosman bilong Australia Kangaroo i no laik long pilai wantaim dispela PNG Kumul skwat.

Ripot long Redio Australia i tok wanpela eksekutiv bilong Nesenel Ragbi Lig (NRL) i tok PNG Kumul i yangpela tim we em i laik pilai wantaim Australia husat i gat eksperiens na strong. Dispela opisa i ting Kangaroo bai lusim taim sapos Kangaroo i pilai wantaim dispela Kumul tim.

Ol i ting sampela ol biknem Kumul pilaia olsem Marcus Bai, Adrian Lam, John Wilshire, Makali Aizue, Bruce Mamando o Raymond Karl tasol dispela ol pilaia i no stap long Kumul skwat bilong nau.

Dispela ol pilaia i bin pilai long NRL primia divison tasol ol pilaia bilong nau i nogat wanpela bilong ol i pilai long kain level olsem. Planti ol pilaia i stap pilai long ol kompetisen long PNG o pilai long ol fida klab bilong ol NRL klab.

Tasol Kumul kosa Bob Bennett husat i liklik brata bilong Kangaroo kosa Wayne Bennett i tok em i nogat planti tingting long dispela ol toktok.

"Em i tru tasol dispela i no min mipela i no save long pilai o mipela i no inap pilai.

"Mipela i bin kamap wantaim ol olpela pilaia bipo tasol nau mipela i kamap wantaim nupela tim.

"Sampela ol pilaia long dispela skwat i pilai long ol gutpela kompetisen na i soim olsem ol i inap long pilai.

"Wari bilong mi i stap long fowet.

"Mi gat liklik fowet we bai ol pilai wantaim bikpela ol pilaia bilong Australia long fowet.

"Makali (Aizue) i no inap pilai long wanem klab bilong em long Ingran i no inap larim em i kam. Wankain olsem long (Marcus) Bai.

I gat tok olsem dispela Tes Mes i no inap long kamap tasol bikos i gat sampela kain wok bung wantaim tupela brata na olsem dispela pilai i kamap.

Bob i laik ol Kumul i mas kisim gutpela eksperiens long pilai wantaim Kangaroo.

Ol Kangaroo long narapela sait i laik yusim dispela pilai olsem wom-ap pilai long redim ol yet long pilai long Trai-Nesen pilai. Dispela Trai-Nesen pilai i stap narnel long Australia, Niu Silan na Ingran.

Tupela tim bai pilai long Deri Fam Stedum long Townsville long dispela Sarere, Oktoba 9. Bihain long dispela pilai Australia Junia Kangaroo bai kam na pilai wantaim PNG Presiden 13 long Lae long Oktoba 16.

Las taim Kangaroo i pilai wantaim Kumul long Townsville em long 2000 we Kangaroo i kilim Kumul 82-0.

Kumul skwat em Chris Bond (Redcliff klab), Chad Leech (Melbourne Storm), Ricky Sibia (Sauten Jon), Steve Franciscus (Canbera Raiders), Derek Fletcher (Norths-Melbourne Storm), Stanley Gene (Ingran Supa lig), Nime Kapo (Hailans), Matt Nightlingale (Penrith), Paul Aiton (Penrith), Trevor Exton (Is Brisbane), Andrew Norman (Sauten), Michael Marum (Ailan), Kawage Gagma (Sauten), Romalus Mago (Sauten), Dickson Sibia (Sauten) Kevin Prior (Brisbane) na Mark Warua (Sauten).

Long dispela taim tu Nesenel

Ragbi Lig (NRL) refri Jason Robinson husat i kam antap na refim Pot Mosbi Ragbi Lig gren fainel pilai namel long PRK Souths na Millenium Brothers we Souths i win 22-12 i tok em i refim wanpela gutpela pilai tru.

"Mi lukim olsem save bilong pilai em ol pilaia i soim i antap. Bikpela samting em ol i no spid. Ol i no inap long ronim bal hariap," Robinson, 31, husat i bilong Penrith i tok.

"Mi ting olsem ol manmeri hust i

lukim pilai i gutpela tru. Ol i go wantaim spirit bilong pilai.

Na dispela gren fainel i winim gren fainel bilong NRL (em pilai namel long Canturbury Bulldogs na Sydney City Rooster we Bulldogs i win 16-13).

Robinson i refim 19 NRL pilai. Em i kam antap anit long lukaut bilong Pot Mosbi Ragbi Lig we Securimax i baim rot bilong em na Shady Rest i redim em ples bilong silip.


Long Mande nait taim Pot Mosbi

Ragbi Lig i tok gutbai long Robinson long Shady Rest Securimax i tokaut long givim K3000 long Refri Asosiesen long kisim sampela refri kos. Robinson i go bek long Australia long Tunde.

LONG narapela nius PNG Ragbi Futbal Lig jenerel menesa Joe Tokam i tok Lig i makim Sir Bob Sinclair long wanpela liklik kibung bilong em long Lae long wiken olsem em i ekting siaman bilong PNGRFL.




PRK Souths tim i sindaun na amamas long Sil ol i kisim taim ol i winim Millenium Brothers 22-12 long Pot Mosbi Ragbi Futbal Lig gren fainel pilai long Sande. Lukim moa stori long pes 31...



TRAMONTINA

Bush Knives


- Top quality bushknives with carbon steel blades
- Available in wooden and poly handles
- Size ranging from 10"-28"



Exclusively distributed by Brian Bell and authorised dealers nationwide

Brian Bell

Shop with a friend



PLAZA 325 5411 HOME CENTRE CITY, GORDONS 325 8469 LAE HOMECENTRE CITY 472 3200 GOROKA 732 1622 DISCOUNT HAUS 472 3808 KOKOPO 982 8007 MT HAGEN 542 1999 MADANG 852 1899